



宋元詩會卷之四十七

皖桐陳焯默公輯選

後學程

杜松泉參較



魏了翁

字華父邛州蒲江人年數歲從諸兄入學英悟絕出鄉里
 目為神童登慶元五年進士第時方諱言道學了翁於對
 策昌言之由簽書節度判官召為國子正開禧元年召試
 學十院韓尼胃方事開邊了翁力陳其不可謂當急于內
 修姑緩外攘策出眾大驚改秘省正字明年遷校書郎以
 親老乞外任乃知嘉定府旋丁父憂築室白鶴山下遠近
 從學者踵至起知漢州以細故予祠未數月復原官知眉
 州士論大服治行彰卓擢潼州路提點刑獄歷提舉常平
 轉運主管潼州安撫丁母憂起至潼州府十五年被召入
 對蓋去國十有七年矣上迎勞優渥嘉納其言進兵部郎
 中俄改司封兼國史院編修奏事剴切無所鯁避而時相
 始不樂笑字宗崩理宗自宗室即位事多艱虞了翁積憂
 成疾三疏求退不得遷起居郎明年改元寶慶屬濟王黜
 削以死有司顧望治莖弗度了翁請上厚倫紀以弭人言
 史彌遠益嫉之言官承風旨初了翁朋和諤國降三官居
 靖州五年起知瀘州彌遠死進華文閣侍制應詔上章乞
 復舊典十事皆如所請因從人望與共政而忌者合力沮
 權禮部尚書兼直學士院工將引與共政而忌者合力沮

排不能安于朝矣乃以端明殿學士出督京湖軍馬尋又
召簽密院其出入皆非上意遂力辭乞歸自是改官皆不
拜嘉熙元年卒于家贈太師謚文
靖所著有鶴山集九經要義等書

登萬象樓和計次陽韻

塵纓羈我身對景慵著語山青喚椅欄壯氣臨顏汝層雲卷油
幕萬嶺吐煙縷酒闌一橫笛樓前葉自雨

送曹尚右從龍知信州分韻得州字

長安十二門冠蓋如雲稠浮驂不停趨九衢滔滔流朝握扶桑
轡暮行背椒丘駕言往從之道左傷吾輶溫陵有佳士清姿秀
琅球早酬掄魁望勝泛蓬瀛洲榮進付膜外寡欲自日休需草
臣有母自說以一州彤襜下青冥錦輿居上頭小施活國手彤
瘵會有瘳同省並門居昔我陪清遊一時四同年氣味骨肉侔
而君堂堂去別袂挽不畱迺商起層旻候蟲催功表問學常苦

難歲月忽忽適古今同一岐古豈真難傳願言事樵蓑勿作刈
獲謀

西郊訪梅分韻得尾字

荒煙散牛羊落日尚城市天寒萬木脫歲晏羣動弭西郊有旅
芳獨喚春事起幽光耿參月清灩明野水欲開未開時似語不
語意或疑春較遲的皜下霜蕊誰知春風心渾在阿堵裏洞霄
逍遙公九隴花月使領客居上頭蹇予亦婪尾頗懷去年遊歲
月如許駛悠悠竟何成總被物化使

重陽領客以老杜重陽日分韻凡賓主十八人得否字

天根斂秋陽雨畢水歸藪胡為燕常度白晝變昏黝農功將納
場余秉尚樓酌昨朝告方社卷去日中節義和變六龍為我作
重九雲頑驅復來渾未識臧否終然割剗之金鏡發矇眵所忻

陽德競吾豈為杯酒悠然見南山陶公意何厚况今祠太宮羣
公正奔走

贈画工王生

七年謫五谿二年守三廬蠻煙瘴雨中不改舊時吾比來懶看
鏡謂我衰且癯王生忽肖象氣貌何勇腴悔不賂王生圖作一
病夫庶幾轉而上聽我歸林廬及此未衰日更讀幾年書

題謝道耘一犂春雨圖

牀頭夜雨滴到明村南村北春水生老婦攜兒出門去老翁赤
脚呵牛耕一雙不借挂木杪半破夫須衝曉行耕罷洗泥枕犢
鼻卧看人間蠻觸爭

次韻虞果州剗簡泛雪

黃雲靉靄風雪天欲之灞橋尋浪仙爐中楫杻熱寒客縱欲燒
愁能得然撥反嚼句不忍吐竟日南望雙眸穿誰知詩來亦念
我字與六出爭明蠲美人美人呼不來昭萼吹怨樓西偏况有
山頭月為友觸發煙痼撩詩顛豈無咏絮謝家集亦有閉戶袁
安眠未如山中之至樂白玉世界天相連朝看夜聽兩奇絕靴
霜爐雪知誰賢褰裳急理剗溪權明月已旁求江還

和字文漢州乞房樓記

房公胸中妙刀尺剪刻玻璃貯寒碧今候著樓于其上竹色荷
光得良覲詩來殷勤問故侯別日雖賒情轉密因思當年飛蓋
遊鷗鷺不驚潛鯉出春濃雪絮人影亂秋老松雲半天屹蘇公
二十四橋尚愛西湖風月夕江山好處余戀嫪縱不即人人
自即况今簷撩雲與齊急楚高歌友朋集向來寒乞翻自嗤詩
掃黃泥已無迹功名老我後加鞭文字輸文先奪集欲撈黃象

供刺畫自有此湖難比筆終當為君記斯遊摹寫蒼顏真六
約許侍郎奕諸公酒半宋正仲德之至自都城

人生能得幾回別一別公來四千日我騎紫騮出行春公指黃
扉入當夕誰知行止不聞人解后天涯復同席方看九陌爛紅
英忽復濃陰顆請實斷霞明白日靜過雨穿林亂雲涇如夢
如夢夢耶非曰歸曰歸歸未得楚南山岸東流斷閔西雲霾北
風急酒逢故人一吸易語及新事百憂集試問吾歸將何歸梓
州遂州有何擇况有青山老居士千騎東來闖然入更得可人
高帝孫又忻未至臨邛客儘判三日作狂醒要話十年胸偏塞
送杜兵侍考嚴以華文侍制知遂寧府

敝貂衝寒馬聲涇餘杭門外送歸客去年曾送六朱幡今年又
送四千石更有三令相後先采不盈筐去如織濛濛風雪人氣
薄漠漠煙塵劍花蝕獨立長空倚天壁幾度乞歸歸未得二鄉
葦葦天興姿不肖隨俗相脂韋聲明早落虞舜聰霞裾雲佩明
春暉虞舜已死不復返云埋蒼梧天地悲萬物興歇各有期人
生出處寧無時攬裾結佩下霄漢苟得吾志官無卑史臣昨侍
玉皇案愛民一語何孜孜願公領此溪長思民力竭矣誰其知
更須同志共此事別公且去吾亦歸

六月十四日右殿侍立新永康太守成嘉甫朝辭奏事詞
氣懇惻上為嘉納嘗隨筆記其事今鄉人祖帳分韻得
西字遂書以贈行

嚴精伐鼓趁晨雞龍媒戒仗暗無嘶宰臣奏事左城降史臣曳
履東階躋永康太守臣申之工廠立吐虹蜺曰臣前領大農
簿試郡得請今當遼即求通反其使金人匿壯招吾攜勿言

殘金繼前好將貳遼騎遙青齊時將有反事有間翫歲愒日憂
啞臍皇帝瞿然曰是是伸頤領首天聽低貼黃夏請磔叛將褒
恤死事不可稽陛下亦章西事否昔踞險阻今多蹊散閔皂郊
已平地白環黃牛猶潰隄分臺列閭越秦視體統漁散人情睽
上云私意誤大事諄諄切切重提撕申之又言故臣丙昔嘗有
德于坤倪工顧指臣曰安丙申之頓首如含妻紉紉交情異生
死獨此推本祛羣迷臣時張拱立帝傍螭頭恨無干赫號為王
留行力不足戴目處此羞梁鶴官無小大莫非事勇為天子綏
羣恭天如有意聽臣歸問天重乞青玻璃

撫州崇仁縣玉清觀道士黃石共工古篆以李功父書來
聖學不嗣千余年并與小學遺其傳其間明道寧之賢謂書小
伎合舍旃十字九舛不可鐫楮生墨墨色有寃動以經史為執
言豈知魏晉幾變遷况今經字宗開元請觀未有韻書前訓纂
字林形相沿形聲迭推義乃全韻書既作人趨便未能書法窮
根原但以聲韻求諸篇形存聲亡韻亦乖叔重少温工磨研二
徐鄭郭相後先書法賴此差綿延許李馬得無謬愆楚金分韻
猶拘孿若更舍此狗俗妍不學縵求安絃玉清道士來臨川用
意周鼓魚泰山攜書過我渠江邊試令主持與画捲根闡畿
礎宗桐椽已能詣世而取隣猶欲度外求方園眉山夫子思涌
泉相與共講扶其偏道士相載明當還夏以一語申拳拳能于
此處知其端事事物物誰非天九章八卦莫不然一毫人力無
加焉

鶴山書院前為荷塘三即其小嶼築亭久矣春後八日始榜

曰夫容洲

嚴風吹衣落南土手批魁獠藉封虎緣山跨谷三里城架竹編
茆百家聚天公似為羈人謀開藏佳境城東陬介然用之便成
圃下視更得夫容洲水間本末高下照名字既同形亦肖自從
羸豕伏羣龍紅白相輝轉明耀人憐風雪拘繫之委棄哀草蟠
寒泥誰知炯炯含內美正于稿瘁生光輝大書三字為吹送喚
起渠陽百年夢卻疑二萼癡絕人身既隱矣名焉用

送黃宜州實之任

皇帝親政之初旬史臣了翁侍嚴宸宜州太守當就國袖出諫
疏前開陳炎荒僻在飛燕外陛下視同吾仁母云指擗非害
事往往四體為不伸臣請送候如中州更飭膚使時咨詢但令
正身以率下炎荒雖遠畿甸均皇帝顧謂汝可往布宣德意安
吾民黃君下殿再拜謝盡以聖訓閱史臣史臣拜手筆之冊以

君所聳還贈君惟今貪競習成俗公私已屈憂方新紀綱法令不
不敢知恃以立國維蒼旻茫茫不可問人情所戚天笑顰願
君體此深長思便以聖訓書諸紳心誠求之莫非事子苟不
欲民無貧

丁大監文伯得余近作讀之疾愈以詩見貽

黔巫之南谿水滋山粗石惡不可治崇寧邊臣務廣地山刊石
斷林木斯其問掌許號為郡如以土偶安頰眉中州人物猶此
任纍臣舍是夫何詞况干風氣少疵厲且幸習俗無澆漓飽餐
賤米温舊讀書味雋永忘其疲坐看歲龍度丑戌幾見秋月弦
虛危都梁有吏雲端來持書又急如符移美人家在九芙蓉門
墻突兀那可窺聯絨累牘夢耶非一年兩度劃見之我詩但能
愈若疾君解與世醫狂癡垂逢休戚信有命歎上不使非知醫

七夕南定樓飲同官

誰將明星貼天宇州國宮垣象官府更將四七隨天旋常以昏
中殿四序迢迢河漢衡秋旻前有蒼龍履玄武牽牛正向西南
來左右兩旂河北鼓鼓星之側為天桴鼓上三星為織女何年
人號天女孫便把牛郎擬夫婦不知此是天閔梁河漢之津有
常度晦明伏見莫非教冒為文人給嘲侮班曹庚謝猶警言世
上見曹更堪數臨風三誦大東詩須信詞章有今古

羅五星善奕棋贈以詩

少年不識棋但見剝琢琢更相圍有人指授子衝關奪角剗
復持少年不識星但見臚臚臚臚環如棋亦有告予者縮羸伏
見元有期七年五谿讀書暇時把二事相悅怡久之剗然悟是
間有數人不知三百六十一棋子此是乾策藏其竒萬有一千
五百二十星若以三十六乘之乘之既盡除坤策恰與棋數無
參差此理極精密歸後不復思羅挾二長過我瀘之涓恍如著
我五谿上欲與之語無閒時此須靜觀乃有得而我家住西
山西生揣我何時歸

臨發潼上許侍郎餞於東山賦詩留別

人生出處亦何常又到涪江江上鄉山色如逢故人語松聲仍
作去年香紅裳大船滿清鏡翠潄白沙明夕陽未省此懽何日
再擬邀明日照昏黃

真德秀

字希元建寧浦城人四歲受書過目成誦登慶元五年進
士再中博學宏詞科入閩帥幕召為太學正時韓侂胄已
誅八對首言改弦更張正當褒崇名節進秘書省正字歷
沂王府教授權直學士院著作佐郎宰相將用德秀忌者
欲之遂力請去出為江東轉運副使改知泉州再知隆興
府十五年為湖南安撫使知潭州理宗即位召為中書舍

人尋擢禮部侍郎直學士院八見秦陛下不幸處人倫之
 變流聳四方所損非淺願討論雍熙追封秦王舍罪恤孤
 故事為濟師興滅絕又言賄賂公行薰染成風朝廷用
 人貴少輕老宜褒獎者艾咨訪清廉工皆嘉納宰相史彌
 遠益嚴憚之喉言官抨擊落職罷祠既歸修讀書記曰此
 人君為治之門如有用我執此以往紹定五年起知泉州
 迎者塞路彌遠死移至福州召為戶部尚書入見進大學
 衍義踰年貢舉拜參知政事三乞祠以資政殿學士提舉
 萬壽宮卒工震悼輟
 朝贈工階謚文忠

登南嶽山

煙霞木成癖况復遊名山舉手招白雲欲納懷袖間奇峰七十
 二羅列皆蒼顏振衣遇長風浩浩天地寬

送裴司直得請西歸

輕舸龍山頭木蘭作渡槽飄然裴司直乘向南昌去問君鷓鴣
 中脫身遽如許樓遲三十年始得官掌故少湏上上考豈不登
 省戶自言野心性眯目九衢霧修竹歲云晚萱草秋亦暮嗷嗷

投林鳥猶得反其哺江西父母邦非復昔饒裕蠻煙一腥穢樂
 歲且狼顧遺黎空杼軸行旅窘刀布天門宵萬里可望不可想
 君今佐元帥安危繫一路瘡痍俟滌濯畫諾歸仗助先聲姦人
 喘高節懦夫慕邁當再前席一正天子度白鷗沒浩蕩蒼鷗在
 指呼我亦南陔人扁舟從此具

司理弟之官岳陽相別定王臺悽然感賦二首

定王百尺臺長安萬里目昔人思親心山川誰能局於馬共登
 臨使我增感觸微霜隕陔蘭悲風撼庭木銀山在何許白雲但
 空谷搔首重裴回冥冥江樹綠

先民不可見懷哉金玉音士雖一命微愛物宜存心矧茲園扉
 內白日變重陰求情壘下克哉詎能禁諠噪漫弗省鬼神為
 悲吟子往泣其職朝夕惟欽欽祥刑勿留獄斯語真良箴

浦城勸糶

陽和二月春草木皆生意那知田野間斯人極顛顛殷勤問何
繇父老各長喟富室不憐貧千倉盡封閉只圖價日高弗念民
已弊去年值飢荒自必無噍類幸哉活至今且復遇豐歲庶幾
一飽樂養育謝天地豈期新春來米穀更翔貴况又絕市無縱
有涇且碎何以充飢腸而復多拏累恨不死荒年免使見憂畏
我輩父老言痛切貫心肺行行至平洲景象頓殊異白粲玉不
如一升纜十四問誰長者家作此利益事父老合掌言子文姓
陳氏起家本儒生疇昔樂賑施憶昨艱食時巨室爭謀利米斗
三百餘獨收七十二都數千口受彼更生惠開庫質敝衣假
此賑貧匱取本不取息所活豈勝計我曹非此翁久作溝中喘
吁嗟薄俗中乃有此高義吾邦賢使君愛民均幼穉一聳平糶
家褒賞無不至或與旌門閭或與錫金幣獨有穎川翁寵光未
之被故作行路謠庶徹鈴齋邃但俾殖利徒聳風默知愧天道
極昭明勿作幽遠視

會三山十二縣宰

皇皇造化鈞橐籥生萬彙林林滿穹壤異體實同氣痛癢本相
關彼已當一視矧惟守令職休戚我焉寄盍推若保心曠焉撫
孩穉橫目事征求往往學頑痺牀剥膚已侵鷹擊毛盡摯但期
已豐腴皇恤彼顛顛近來二十年貪風日滋熾蒲萄得涼州西
園關成市環瞻郡邑間大半皆汙吏民窮盜乃起原野壓枯柴
哀我罹禍後念之輒揮涕天地忽開張清飈掃氛曠我乃于此
時擁旄忝為帥顧慙老儒生蹇拙乏長技同官為僚友努力圖
共濟惟聞古大都星羅邑十二豈無良大夫與我同厥志要如

羔羊直委蛇自無愧勿為碩鼠躑躅乃多畏上方明黜陟我亦
公舉刺民言即豐碑令問疾郵置黃堂一卮酒殷勤抒至意慎
勿多酌予憂心正如醉

遊鼓山

六月二日偕潛夫諸友遊鼓山飲湧泉亭明日登天風海濤
坐白雲亭追懷昔遊愴然有感偶成拙詩奉呈并簡住山明
師

巖宸有追詔趣工太守符疲民未蘇醒還顧空躊躇來尋靈源
盟喜與佳客俱始酌清冷泉一浣丹墨洿超然煩溽中置身在
水壺遲明陟危亭雲濤渺空虛煙霏倏開闔峰巒時有無偉哉
此絕觀雄壓東南隅蒼崖萬仞立四面環瓊瑤翠木巧蔽虧亭
午清陰敷令人澹忘歸似利真華胥憶昨泛蓮日送勝邀朋徒

摩挲岩上刻慨仰趙與朱舉觴酌且盟一節期終初重來三十
年恍如隔朝晡並遊四五人存者獨老癯有懷子陳子感歎為
歎歎子抱明月終我方長途趨顛踣懼不免傲者當何如願言
祝同社著力相攜扶禪伯亦可人新結峰頂廬老我故勸遊軒
冕非所娛會須脫塵軌來依懶瓚居

挹仙亭

漢宮葦篋兒呱呱濟南梓柱陰扶疎富平家人正媮樂安昌帝
師工獻諛子真東南一尉耳黃綬淒涼百僚底手持短疏叩天
闈義激丹衷淚橫皆翩然一朝徑拂衣愛君無路空依依人傳
九江已仙去吳門再見是耶非神仙茫茫那可測上帝從來賞
忠直天下果有驂鸞人合領羣真朝北極自從舉手謝世間千
年白鶴何時還玉簫聲斷杉檜冷祗餘丹竈留空山谷口之孫

古膚使亭斲青亭挹仙袂耿耿應懷貫日忠飄飄豈羨凌雲氣
我來快讀萼星篇清徹毛骨風冷然何當結茆最高頂一榻容
我分雲煙

巖羽

字儀卿號滄浪與戴石屏同時其論詩
欲如那叱太子析骨還父析肉還母

尋甯山人所居

幽人以道隱結室岳之東余亦避世客逢君於此中鳥因留食
至泉為煉丹紅向晚下山去月高秋色空

關山月

今夜關山月偏能照馬鞍盧龍征戍客圓缺幾回看遙想金閨
裏應悲玉露寒黃沙三萬里何日是長安

行子吟二首

行子在江海飄飄靡常踪有如茫碭野朔風捲飛蓬朔風無休
期飛蓬日千里散落天地間寧有復歸理塞雁西北來一叫三
徘徊何時別沙漠昨夜宿陽臺同羣一相失羽翮常低催人物
有殊性奈何罹此哀

憶昔客遊初結交重豪邁高冠湛盧劍志若輕四海自首悔前
圖嗟吃天一隅寒冬劍門道失路空踟躕淡林聚虎豹絕壁號
猩鼯雪淡車軸折征馬驚啼呼何當返故處餐黍居田廬淚下
不能禁腸轉如轆轤

我友遠言邁

朔風卷秋樹白日寒無光是時鴻雁來四野何蒼茫我友遠言
邁使我結中腸如何攜手歡一旦成異鄉行旅有期程遊子多
悲傷置酒欲高歌淚來沾我裳四座慘相顧征馬亦傍徨未知

會面日且復盡茲觴

悠悠我行邁

悠悠我行邁邈在天一方道路無終極時節異炎涼路逢故里親揮泣問我鄉妻子別離久不知今存亡中原多白骨城邑聚豺狼遠去無僮僕思還絕餼糧寄語家中人遠行良可傷

朝日臨高臺

朝日臨高臺睽彼芳樹間工有其棲鳥和鳴何闐闐爾乃慕儔侶我胡獨不然良友在萬里邈然河與山聚會豈不思歲月倏已殫未必無他人要非心所歡

仙遊 三首

憶讀玲瓏篇來往虛皇閣空見白芙蓉秋風幾凋落昨逢紫陽君共有丹臺約下視塵埃中冠纓縛猿獲世事行若此悠悠復

何託

朝別簡寂觀夜行石鏡溪溪光照厓綠月色正相宜石上三道士頽然好丰姿或弄金光草或把珊瑚枝憑風招素手賜我一王卮歎我事遠遊蕭颯朱顏衰長林孤月落羽蓋何歲蕤垂壑乘之去棄我忽若遺明發閔無覩但有青鸞啼

瀑布似明月工有石梁橫矯首望東海正見蟾蜍生揚輝天漢間下照蓬丘城桂實幾凋落嫦娥空聳名咄哉玉斧子不如白兔精靈藥不服食執柯獨何成迢迢彩雲外誰吹白玉笙竦身一長聽予若出寰瀛

登豫章城

憂來不自得登城望高天寒雲四面起朔氣下長川脫劍且却坐君知心惘然奈何平生志鬱抑江湖間凜凜秋風來茫茫落

日晚長憂生白髮沈想忘朝飯向來經士士本是碌碌人蕭曹
刀筆吏樊灌屠販臣徒步取勲業漢道為光新我今何為者飄
飄去鄉國狂歌豫章城醉卧風江碧但取英雄笑終慙侗儻生
名當以德載事取因人成獨江還獨酌哀歌還寂瘼安得凌風
翰為君拂寥邈

遊臨江慧力寺

舟中望古剎川上移琴樽隱隱林閣見迢迢鐘梵聳列岫不離
席驚濤常在門風帆與沙鳥汎隨朝昏天高一旛挂室靜衆香
焚煙起多近郭鴉歸無遠村松際尚微雪經年來暮後賞惟
靜者契法對高僧論安得息塵駕永懷瞻獨園明朝別此去惆
悵滿松雲

山居即事

稍欣入林溪已覺煩慮屏霜果墜秋山歸禽度嵐嶺紛紛葉易
積漠漠雲欲盛澗底寂無人松蘿窅然暝惟葦山鳥啼月上柴
門靜終歲寡持醪延歡聊煮茗羣書北窗下帙亂誰能整

廬陵客館雨霽登樓言懷寄友

終日坐冰泖邈然無少欣登樓一周覽始見萬山羣微雨洗殘
暑青天捲浮雲襟懷兩廓落朗若見夫君見君君何在顧影還
獨笑吏非金門遊隱異滄洲調江明秋月白山空夜猿嘯徒事
百卷文未返一竿釣留滯豈勝愁非君誰與謀水寒終赴海雁
遠暫賓秋舉世不可語猶當做巢由贈君三尺劍永駕五湖舟

夢遊廬山謠示同志

昨夜月落西窻陰倦推素枕凭石琴身居紅塵不自覺夢入廬
山澗復深廬山深處何在許五老仙人邀我語眉如秀雪顏桃

花酌酒相酣坐箕踞明河九派倒西來石嶼巉絕古道開五公
握手向我笑不見劫火揚塵灰獨騎一鹿窮蒙迴窅然醉踏青
錦苔松風踴嘈何清哀湍飛瀑捲萬壑雷忽然驚起迷所向四
生已失黃崔嵬披衣徬徨還太息我與世途何所屑亂世茫茫
飛蝶蟻叢中別有金膏訣須君之行當何時共向丹崖卧松雪

還山吟

日暮望南山悵然思歸發如何山中客屢看城頭月城頭月照
女蘿秋石磴潺湲瀉碧流岩猿久別應惆悵澗鳥相呼亦共愁
城南故人與我好令我忘却歸山道昨夜西窗夢到家忽驚干
嶂芝花老朝來舟子促辭君回首空江語尚聳別後莫嗟難見
面想思只望嶺頭雲

孺子臺吟

去年醉與東湖別欲上衡湘泛秋月君家留我刳遭迴恨望還
成阻修澗西山縹緲翠屏開復憶滕王倒玉杯經過始織洪
井調笑重登孺子臺臺前呼酒折荷花水淨煙明散落霞舉杯
失笑君何在望斷行雲空咄嗟故人別後還愁緒此都不是余
留處興來日送海邊鴻歸心挂在閩溪樹

思歸引

海上之草綠芊芊洞門一閉今幾年仙驥去時留紫鞭挂壁見
之心惘然欲歸即歸亦由我不待功成何不可堯舜未能屈巢
由自餘王侯何足遊武陵春水綠蕭蕭就中亦有桑麻郊近聳
秦人笑相語待我東溪種碧桃

送戴式之歸天台歌

吾聳天台萼頂連石橋石橋巉絕橫煙霄下有滄溟萬折之洪

濤上有赤城千丈之霞標峰巖斷杳莫測中有石屏古仙客
吟窺混沌愁天公醉飲扶桑泣龍伯遶來何事遊人間飄飄八
極尋名山三花樹下一相見笑我蕭颯風沙顏手持玉杯酌我
酒付我新詩五百首共結天邊汗漫遊重論方外雲霞友海內
詩名今數誰羣賢翕沓争相推胸襟浩蕩氣蕭爽豁如洞庭笠
澤月寒空萬里雲開時人生聚散何超忽愁折瑤華贈君別君
騎白鹿歸仙山我亦扁舟向吳越明日憑高一望君江花滿眼
氛氲天長地濶不可見空有想思寄海雲

送吳會卿再往淮南

故人身披紫綺裘腰佩寶玦騎驊騮英風俠氣橫四海辭我遠
向淮南遊淮南桂樹應猶在八公舉手遙相待明月高懸五縣
頭隨君千里過淮流十年鞍馬邊城道又是邊城見春草春草
萋萋路入秦長安北望空愁人荆楚奇材多劍客感慨相逢思
報國男兒事業早致身青鬢須防霜雪迫我向人間久拂衣白
霜相伴掩岩扉調琴鼓罷清商曲愁見孤鴻天際飛

三衢逢周月船

戎馬相逢日那知復此間客愁詩莫遣世事酒相關江上孤舟
在天隅兩鬢斑更將憂國淚滿袖送君還

蜀女怨

幾時離月峽五見紫蘭凋塞雁隨魂浙江花逐淚飄沙頭南北
客京口去來潮日日無消息空登萬里橋

葦雁

遠客驚秋雁高樓復異鄉聲兼邊哨苦影落楚雲長此夜頭堪
白他山葉又黃年年洞庭浪飄泊更無行

樟樹鎮醉後題

吾憐樟樹好取醉欲無還酒壓鵝兒色詞歌雉子斑朱樓當碧水紅日下青山興罷揚鞭去蒼蒼煙霧間

豫章城

愛此城高處回鞭醉每醒江花兩岸白煙樹一行青雲學山舒態天隨水賦形吾多徐孺子獨向此沈冥

間居寄友

蕭條遺世心江海坐來淡擁褐開窺沼思山欲借琴有幘煙際寺無葉水邊林不見同袍友憐誰伴苦吟

訪益上人蘭若

獨尋青蓮宇行過白沙灘一遙入松雪數峰生暮寒山僧欣客至林閣借人看吟罷拂衣去鐘聲雲外殘

出塞行

將軍救朔邊都護上祁連六郡飛傳檄三河聚控弦連營當太白吹角動口天何日旄頭口口州得宴然

江樓夜月懷故山友人

昨夜江樓月思君好斷腸猿聲相應發山色更青蒼楚塞書來遠閩關隔夢長今朝看愁賓為爾半成霜

有懷閩風山人

把酒忽惆悵君今吳楚間孤雲隨馬首風雨隔河關心事竟安在此行殊未還空將百年意泣向寶刀環

懷南昌舊遊

昨在南昌府青遊不可窮杯行江色裏權進月明中樓笛吹晴雪菱歌漾晚風坐來懷舊迹萬里一飄蓬

江行

曠色蒹葭外蒼茫旅眺情殘雲和雁斷新月帶潮生天到水中
盡舟隨樹杪行離家今幾宿厭聽櫂歌聲

塞下

鞍馬連年去關河萬里賒將軍思報國壯士取還家大漠春無
草天雪作花誰隣李都尉白首沒黃沙

登滕王閣

高閣憑空浩蕩開當時遺跡幾荒台煙含晚市悠悠見沙帶澄
潭渺渺回此日登臨分壯氣百年淪落憶雄材可憐萬古神交
意日暮蒼涼一笛哀

夜泊

夜聳估客送將歸葭菼蕭條月色微萬里江湖何處極孤舟鴻
雁自相依杯拋黃菊乾賒酒城掩清砧罷搥衣不奈此時心斷
絕長沙南去故人稀

將至潯陽途中寄諸昆弟

渺渺孤帆去寄程悠悠天際望湓城一身避亂辭鄉國千里相
思隔弟兄猿叫匡廬寒暮色雁過彭蠡帶秋聲江湖此去多飄
泊腸斷風塵遠別情

客中別吳季高

悠悠遠別半生悲白日相逢又話離海內風塵愁未已天邊消
息到何時洞庭旅雁春歸盡瓜步寒潮夜落遲惆悵孤舟從此
去江湖未敢定前期

寄郭招甫時在潯陽

夢向三江買釣船挂帆西去白雲邊窗間曉色香爐見門落寒

聲瀑布縣百年酒興陶彭澤四海詩名孟浩然何日真尋塵外
跡焚香酌茗話先賢

送崔邁丹陽郡工荆門省親

江國歸江一雁牽河橋分手數杯傳千崖萬壑秋聲裏匹馬孤
帆落照邊牛渚寒波翻極浦荆門晚樹合遙天他時莫枉瑤華
問南北相思各渺然

楚江晚思

旅思遙遙倦向南誰家煙火起晴嵐孤城歸鳥連寒角極浦斜
陽帶遠帆楓葉自能悲楚客竹枝何用怨江潭今朝欲寫風波
恨千里書成手自緘

送趙立道赴闕仍試春官即事感興因成五十韻

嗣聖中天日遺氓憶漢時一王新禮萬國賀重熙官爵霑寰

字光明冠本支窮冬辭老母吉日赴京師祖席明斜照寒江結
暮漸亭杯愁把袂立馬語臨歧草動春前色梅繁雪後枝湖山
饒逸興士友重遊嬉菱唱工迷客荷舟穩放維土風珍縞帶吳
餽熟蓴絲塔寺開金碧全碧樓臺漾淼瀾雲連勾踐國江動伍胥祠
閭闔春朝早觚稜霽景遲柳迎仙仗輒花簇御樓歌首蒨來宛
馬櫻桃薦寢帷周家千歲歷漢殿萬年庖駐蹕山川遠繫弓歲
月移天俄憂杞國日再仰咸池弓劍羣臣淚園陵故國悲乾坤
開帝統雨露豁宸私蜂蠆何為爾豺狼欲問誰箭流元帥幕城
立叛營旂國體存今卹皇猷務遠綏且從鷹一飽自待虎隻疲
復說京西亂愁連蜀道危倉皇分隊指點護藩籬狙詐終勞馭
遊魂不足羈幾年腥戰血今日痛瘡痍宗社神靈在邦家德
澤遺會葺泚水捷可復雁門騎草詔詞頭切蒲輪禮意卑賢良

多選拔社稷在扶持舉動新羣目經綸佇一夔長沙何遽往鄭
卜竟堪疑莫以朝廷重翻令盜竊窺稍懲鷹隼擊庶使鳳凰儀
新瞻方無倦輿圖正入披王孫思報國天府待忠詞世道多為
忌波流幸勿隨從容陳古昔感慨論邊陲仕進雖云始平生見
在茲青氈今可復綵服更相宜漂泊微軀老嗟蛇因翮垂散材
元自逸正論竟焉裨誤賞騷人作淡慙國士知叫閭時已晚鳴
劍志空馳鬱鬱驅流俗悠悠歎亂離羊裘終隱去魚釣復何之
出處從今隔飛騰不可追濟時須俊傑願覩中興期

古懊儂歌

朝亦出門啼暮亦出門啼蛛網挂風裏遙思無定時

塞下曲

孤城莽莽秋天外竟日無雲空自哀忽怪一時天盡黑合羣鴻

雁向西來

聳笛

江上誰家吹笛聲月明霜白不堪聽孤舟萬里瀟湘客一夜歸

心滿洞庭

燕 此篇或云三休作

巢破春雛半不存衙泥空傍主人門一生巧計輸黃雀飲啄官

倉長子孫

宋元詩會卷之四十八

晚桐陳

焯默公輯選

後學程

仕松泉叅較

杜範

字成之黃岩人其從祖焯受朱熹範得從祖之傳家學益著登嘉定元年進士由金壇令累遷祕書拜監察御史又以御史累遷至樞密院同知官至右丞相其謹論直道多見于為御史時範取言不行而後冒遷擢之榮故屢疏求罷理宗心知其賢但優之以爵位究莫能盡從其言也年未八旬卒贈少傅謚清獻有詩五卷

夏夜雲月不明有感

天色未清霽浮雲翳層空
朦朧玉盤質髣髴擘絮中
瓊于本瑩徹一髮不可容
胡為受掩蓋萬象歸冥蒙
誰能召風伯掃氛建虜功
中天縣清光娟娟萬里同

募兵

召募古來有今者何其艱
文書急如雨取辦都保間
百夫不堂

宋元詩會 卷之四十八
十一夫費干環恐被嗜利徒無能禦國患者母與少婦蓬頭走
江干挽之不得留悲泣聲徹天母曰我壯子婦曰我健夫衣裳
破無補田園荒未鋤一朝棄我去飢寒我何如我欲從汝行生
死同一隅抑恐情軍氣累汝重汝辜今業已分離把袂立須臾
拭淚為汝言汝亦無我虞戮力濟王功期剪兇與狐

良月遊水樂

夕笑聳水樂邂逅作此遊林立攢萬古曲逕穿溪幽谿鈐開古
洞下有清淺流惜非古音噴薄皆人謀流觴飲山綠風鬢吹
颼颼欲歸興未盡攜手湖上樓斜陽獻萬狀浩以百目收白鳥
去復還翩翩良自由我本山林人對此多慚憂歲月不我與宴
閒其可偷僂合作歸計老矣安所投世事皆漫爾政恐空白頭
詠芙蓉與菊花

秋光濃欲滴結束東籬花糝糝紛點綴戢戢相參差淵明太好
事言樂酌流霞誰云制頽齡為與霜爭華映水開芙蓉麗色如
春葩謾以拒為名青女不能加持此問淵明何乃吞齒牙門外
風如箭黃落滿天涯

送趙寬堂

兩片南山雲偶爾連空飛一去向空谷一留伴殘暉招招浙江
渡激激風吹衣仰頭有鴻鵠孰使心事違何時黃山畔把酒話
昨非

再次沈節推送春韻

子規泣訴春山頭芳草連天不盡愁紫陌遊人在何處空有顰
眉人倚樓溪上悠悠擢木蘭溪邊落紅紛紛斑斑嗟哉片片逐流
水新篁忽長干琅玕多少閒愁推不去欲問春歸杳無處少年

知已負心期，尊酒從今樂事稀。

次鄭府判金字韻

巖嶺來北古，邂逅識南金。未覺人間後，欣同物外心。燈花殘夜半，桂子落秋深。細聽朱絃曲，寥寥大雅音。

途中

官身驚昨夢，山店是回程。郡事關新舊，人心屬送迎。塵衫纔幸脫，野服要須成。世路如川險，歸途却自平。

水簾谷

巨崖森四立，鈇洞露前簷。鳥道穿危磴，虬松奮老髯。岩高全似砌，水小不成簾。冰倦猶貪看，中宵澗雨添。

徐鹿卿

字德夫，隆興豐城人。博通經史，以文學名。於鄉嘉定十六年進士，調南安軍教授。授重中，周程之學，辟福建安撫使幹

辦公事，改知尤溪事。會真德秀守泉，辟宰南安，邑以大治。遷國子監主簿，入對六事，工嘉納之。改密院編修，值石史亦坐貶太學諸生，作四賢頌，出知建昌軍。鹿卿為詩贈之。岳珂提舉，平茶鹽提刑，入召不起。宰相杜範遺書力趣之。鹿卿乃出，權太府少卿。歷崇政說書。權吏侍兼侍講，引年致仕。卒諡清正。

士友見和七月七日曝書依韻謝之

寒儒家世派南州，天遣芹宮竝後遊。劍水章江千里月，天孫河鼓一番秋。晒書舊事聊同却，聯句新聲恐類侯。隔歲槐黃頻入夢，曾知山角已生不。

湛泉酌餞黎丈屬和其詩

幾人林下賦歸休，公獨翩然汗漫遊。味道不妨寒似水，入時須用曲如鉤。從來鄰父邀皆去，底事官曹挽不留。後夜相從那復得，月明千里故山秋。

陳府判邀遊梅閣

庚嶺蒼蒼古復今公餘杖履愜幽尋
兩崖峭壁風霜骨一片清
泉佛祖心靜院世緣揮酒椀
更添春色上梅林冥摛翻覺詩情
拙滿眼皆詩祇用吟

勸農

竹馬兒童喜欲狂循良太守似夔黃
倉庾百疇蠶桑啟布穀一
聲稷稻香耕饁盡陶豳國化嬉遊已
徧舜民鄉文書復合登高
閣為說東郊入務忙

劉克莊

字潛夫蒲陽人從學真西山用蔭補官令建陽移仙都以
詩禍中錮十年端平初召對賜進士出身直史館出為福
建提刑卒其
詩歸後邨集

象變一首呈葉潛仲

小燕無難精工智有未解君看橘中戲
劫不出局外屹狀兩國
立限以大河界連營稟中權四壁設
堅械三十二子者一一具
變態先登如挑敵分布如脩塞盡銳
鼓吾勇持重伺彼急或遲
如圍莒或速如入蔡砲勿虛發冗卒
要精汰負非繇寡少勝豈
繫疆大昆陽以象奔陳濤以車敗匹
馬郭令來一士汲黯在獻
俘將策勳得雋眾稱快我欲築壇場
誰可建旂蓋葉侯天机
淡臨陣識向背縱未及國手其高亦
可對狙捷敢饒先諱輸每
索再寧為握節死安肯屈邾拜有時
橫槊吟句法尤雄邁愚慮
僅一得君才乃十倍霸圖務并弱兵
志貴攻昧雖狀屢克獲詎
可自侈汰呂蒙能馘髯衛權足縛艾
南師未宜輕夜半防歛寨
荔支岩 洞内小石如荔枝者無數
異境閔神奇一罇通溪阻呀然張蟾
吻光怪腹中貯始來尚觀

面稍進但聆語迴頭失塵世束縕行里所石房容十客石柱徑
丈許眠葵若將吠墮果疑可咀平生聳化城今見玉樓櫓涉高
既趨捷循狹或偃倭忽逢路窮處淺浪隔洲渚心知仙聖居欲
到無飛羽向非薪燭力往還何異瞽重遊儻未卜聊向詩申覩

棲霞洞

往聳耆老言茲洞深無際閭中或識路塵外別有世幾思絕人
事齋糧窮所詣棋終出易迷炬絕入難繼孤亭渺雲端于馬小
休憩憑高眺城闕擾擾如果蚋盡捐滓穢念遂有飛舉勢山靈
媚清遊雨意來極銳濛濛淫莎草浥浥涼松桂暝色不可留惟
望岩扉開

五月二十七日遊諸洞

東南百慮拙所得惟幽尋矧余玉雪友共此丘壑心江亭俯虛

曠穴室窮邃深是時薄雨收白靄籠青岑棄輿追野步却扇開
風襟炎方豈必好差遠輦鼓音且顧海氛息莫問神州沈徘徊
惜景短留滯畏老侵昨遊感鶯吟至聳蟬吟常恐官事摯佳
日妨登臨譬如迹學兒汲汲貪寸陰何因釋膠擾把臂偕入林

戴秀岩

戴秀者兵卒也得道于此

茲岩視諸峰厥狀尤崢嶸舊為碧鮮葑新有朱棧橫摩腰尚恐
墮束炬差可行外狹中乃寬始闔俄忽明仰窺神魄悸俯顧形
殼輕遂覽丹爐基微聳玉鼓聲深源足力盡路黑雲氣生不辨
晝夜爪恍疑世代更嘗言學神仙所得由專精豈無諸名士羨
彼一老兵欣然約同志嗣此將尋盟安知無白鹿絕頂來相迎
和太白潯陽紫極宮感秋

翰林兩仙人偶來聽風竹簫簫玉干竿采采綠一掬少時負不

羣中歲乃見獨嗟余長十年所至戀三宿徑當還坊歸奚俟
著卜夜郎與僂耳老大費往復宜州殿其後路險車又覆山中
采芝去含下炊梁熟

上已與客遊水月洞分韻得事字

勝踐造物慳貧交世情棄管戒十客且無一人至惟余暨兩
君鼎足坐水次歡言天氣佳誰謂風土異高吟雜騷迭序酌逮
昏輝滌厓去惡詩門石認缺字古來幾楔飲傳者纔一二蘭亭
感慨多未了生死事杜陵更酸辛窮眼眩珠翠旨哉茲日遊超
然遺塵累消搖千載後尚有浴沂意岩扉滑如玉歲月可鐫識

答李泉州元善

平生陳無已白首欠吟債未賞交馬呂况冒見章蔡附熱生可
鄙中寒死亦快吾方尚此友巾車與同載前瞻有膺滂却覩有
融泰要當堅一壁詎可立兩界恕平行誼虧希也名節壞史君
惠良歲下走敢不拜懷哉道義交異彼姑息愛

明皇按樂圖

鶯啼花開春晝遲掖庭無事方遨嬉廣平策免曲江去十郎談
笑居台司屏間無逸不復覩教難能聞馬能舞戲呼寧歌吹玉
笛催喚花奴打羯鼓南衙羣臣朝見踈老伶巨璫前後趨阿瞞
半醉倚玉座袖有曲譜無諫書金盆皇孫真龍種浴罷六宮競
圍擁惜哉傍有錦綉兒蹴破咸秦跳河隴古來治亂本無常東
封未了西幸忙輦邊貴人亦何罪禍胎似在偃月堂今人不識
前朝事但見斷繡粧束異豈知當日亂離人說著開元總塵淚

築城行

萬夫喧喧不停杵杵聲丁丁驚后土徧林開田起窰竈望青斫

水作樓槽天寒日短工役急白棒訶責如風雨漢家丞相方憂
邊築城功高除美官舊時廣野無城處而今烽火列屯戍君不
見高城齧齧如魚鱗城中蕭疎空無人

運糧行

極邊官軍守戰場次邊丁壯俱運糧縣符旁午催調發大車小
車聲軋軋霜寒晷短路又滑擔夫肩穿牛蹄脫嗚呼漢軍何日
屯渭濱營中子弟皆耕人

和南塘食荔歎

君欲和詩無息息唱首天下文章公今年荔子况倍熟亭亭錦
蓋高張空猿偷鴉啄牧童采林間殘顆猶殷紅在管唐家充歲
貢吟諷何止杜陵翁南窮交州西蜀土快馬馱送如飛龍絳裳
水肌初照眼玉環一笑恩光濃惟聞以遠幸免浣一顆不到温
泉宮自從陳紫無真本皺玉晚出尤稱雄邇來雞舌擅瑰瑋贊
香譽味萬喙同麟臺仙人親題品天為此果開遭逢乃知微物
似有數聲價亦與時汗隆列聖儉德被口口微如淮白不敢供
奈何置驛奉私室安得木鐸觀民風山蹊谷塹日力窮血肩跪
足馳筠籠請公移此食荔歎置在熏風殿閣中

宿莊家

茆茨迷詰曲度谷復踰陂世上事如許山中人不知牛羊晴卧
野鵝鴛晚歸池粗識為農意秋輸每及時

夜過瑞香庵作

夜深捫絕頂童子旋開扉問客來何暮云僧去未歸山空香瀑
瀉林黑見螢飛此境惟予愛他人到想稀

贈川郭

身元言會
卷之四十一
川郭顛狂甚平生挾術遊老猶攜侍女貧不諂公候用藥多投
病訓錢或掉頭金陵官酒貴應典舊貂裘

送鄒景仁

衝寒何處去新戍尚來年客勸休辭幕君言已買船霜清江有
蟹葉脫木無蟬若過東林寺攜家住問禪

二將

石候韓仔

二將同時死路人聳亦哀力窮塵轉急圍厚突難開戰骨尋應
在殘兵間有迴傷心郵遽裏隔日捷書來

穴蟻

穴蟻能防患常于未雨移聚如營落日散似去邠時繼續緣高
避周遭避淺池誰為謀國者見事反傷遲

野性

野性無羈束人間毀譽輕客言詩惹謗妻諫酒傷生窗納隣峰
碧瓢分遠澗清近來尤少睡打坐到鍾聲

全州

寂寂全州路家家荻竹扉異僧留塔在過客入城稀傳舍臨清
泄官亭占翠微沙頭泊船者多自嶺南歸

贈高九萬并寄孫季蕃

諸人凋落盡叟亦中年行世有千首買山無一錢紫髯長拂
地白眼冷看天古道微如綫吾儕各勉旃

贈翁卷

非止擅唐風尤于造體工有時千載事祇在一聯中世自輕前
輩天猶活此翁江湖不相見纔見又西東

哭李景温架閣

挾策說荆州那知亦閣投漫招温處士幾殺杜叅謀出幕有清
議還鄉空白頭人間容不得下與阿翁遊建寧丞相其祖也
送趙叔愚赴潯州理掾

未奉三雍對聊為五莞行鄉書喻嶺少詩思入湘清遠官身差
穩中州事日生向來幾離別此別最關情

白鶴故居

天稔中原禍朝分黨部爭當年誰宰相此地著先生故國難歸
去新巢甫落成如何鯨浸外更遣打包行

唐博士祠

博士位尤卑投名入黨碑今觀名世作多在謫官時太史沅湘
筆儀曹永柳詩新祠綿蕞爾未盡復遺基

送陳霆之官連州

地接湖南境孤城若箇邊郊寮愁問宿峽石善驚船官小無迎
吏詩工有續編古人高妙處不過覽山川

張麗萼墓

臺上栢蕭蕭空堂閉寂寥芳魂三尺土往事幾迴潮隨翠尋難
見埋紅恨未銷猶勝江今在白首八情朝

勝業寺

寺創于何代問僧皆不知槎牙夏后栢殘缺柳候碑雪過禪堂
冷冰餘嶽路危上封猶未到太息負心期

岩關新洞

羽客初尋見因子此葺盧未能平險峻先擬架空虛磴路樵相
引山名尉自書看來臨駟道未必有仙居

送范守仲治

放逐諸時態惟候意味長醴為狂客設羨許老人嘗南國留棠
舍西郊閑草堂臨歧先作惡未可倚剛腸

早行

店媪明燈送前村認未真山頭雲似雪陌上樹如人漸覺高星
少纔分遠燒新寧須看候子來往暗知津

近日杜于皇濬有
早行一首可敵是

瞑色

作其詩云早發
時平後騎風相逐前人影漸明翻愁羣動起亂我百蟲聲
瞑色千村靜遙峰帶淺霞荷鋤歸別墅乞火到鄰家戍鼓昏夏
遠昏燈見字斜小軒風露冷自起灌蘭花

郭璞墓

先生精數學卜穴未應疎因將虎鬚死還尋魚腹居如何師鬼
谷却去友靈胥此理憑誰說人方葬墓書

堯廟

帝與天同大天存帝亦存桑麻通絕徼蕭鼓出溪村水至孤亭
合山居列岫尊尚餘土階意樵牧踐籬藩

客中

漂泊何須遠離鄉即旅人炊薪嘗海品書刺謁田鄰婦寄寒衣
少山來曉夢頻小兒仍病瘡詩句竟無神

別教器之

名陶孫即題
詩三元樓者

舊說閩人苦節稀先生獨抱歲寒姿老年絳長聊開講當日烏
臺要勘詩東閣不遊緣有氣草堂未賀為無貨輕煙小雪孤行
路折騰梅花寄一枝

老歎

肘後奇書懶更開只今年鬢已相催但聳方士騰空去不見童

身入海迴無藥能留炎帝在有人曾哭老聃來醉鄉一路差堪
向終擬劉伶冢畔埋

答友生

讀易參禪事事竒高情已恨挂冠遲清于楚客滋蘭日貧似唐
人乞米時家為買琴添舊債厨因養鶴減晨炊君看江表英雄
傳何似孤山一卷詩

小村人家

生來拙性嗜清幽因過山家為小留頂笠見歸行樹杪提瓶婦
去汲溪頭參天老竹當門碧盡日寒泉遠舍流我料草堂猶未
架規模已被野人偷

瓜洲城

先朝築此要防邊不遣邊兒見戰船遮斷難傳河朔檄修來大
費水衡錢書生空抱閒雞志故老能言飲馬年慚愧戎兵身手
健箔樓各占一間眠

新亭

此是晉人遊集處當時風景與今同不干鉄鎖樓船力似是蒲
蔡塵柄功幾簇旌旂秋色裏百年陵闕淚痕中興亡畢竟緣何
事專罪清淡恐未公

送周監門

一領青衫似敗荷奈君母老秩卑何三年幕府無人荐常日柴
門有客過身畔擔輕藏俸少江頭船重載書多故人若問軍中
事為說防秋夜枕戈

戲孫季蕃

少日逢春一味癡輕鞭小袖趁芳時常過茶邸租船出或在禪

林借枕歌名妓難呼多占定好花易落况開遲身今憔悴投空
谷悔不當年秉燭嬉

紫澤觀

修持盡是女黃冠自小辭家學住山簾影靜垂斜日裏磬聲徐
出落花間祭星錄簡親書字避客青衣密拵闕最愛紛墻堪試
筆苦無才思又空還

方寺丞新第

一生不畜買田錢葺屋何心亦偶然客至多逢僧在坐釣歸惟
許鶴隨船按行花木皆僚友主掌湖山即事權京洛貴人金谷
裏安知世上有林泉

方寺丞艇子初成

船成莫厭野人過久欲從公具釣蓑積雨晴來湖面潤殘花落
盡樹陰多新營小店皆依柳舊有危亭尚隔荷所恨前峰含暝
色不然和月宿煙波

燈夕

千炬金梳映玉藻臺城昨夢又年餘斷無絃索鳴葺屋惟見炊
起草廬見報瓶空因止酒婢言油盡暫停書蓬窗亦有精勤
士何必然蒸向石渠

觀元祐黨籍碑

嶺外瘴魂多不返家中枯骨亦加刑稍寬未後因奎宿暫仆中
間得慧星蚤日大程知反覆莫年小范要調停書生幾點殘碑
淚一弔諸賢地下靈

募兵

調發年多藉半空虎符招補至閩中莊農戎服來搽戟太守儒

宋元詩會 卷之四十八
裝學挽弓去日初辭鄉樹綠到時愁見戍旂紅募金莫作纏頭
費留製衣袍禦北風

書事

人道山東八職方書生胆小慮空長遺民似蟻飢難給俠士如
鷹飽易颺未見馳車修寢廟先聳鑄印拜候王青齊父老應流
涕何日鸞旂駐路傍

身在

身在樵村釣瀨行秋毫不與市朝爭目云嗜酒相繩急諍到吟
詩所犯輕沈水一銖銷永晝蠹書數葉伴殘更閉門孤學無窮
味笑殺韓公接後生

感管二首

談攻說守漫多端誰把先朝事細看棄夏西邨忘險惡失燕北
面受風寒傍無公議扶神李中有流言沮范韓寄語淡衣憚塵
者身經目擊始知難
先皇立國用文儒奇士多為筆墨居澶水歸來邊奏少熙河捷
外戰功無生前工亦至疆至死後人方誅尹洙蝼蟻小臣孤憤
意夜窗和淚看輿圖

得曾景建書

聳君別後買傾城酒戒中年亦放行遠使忽來知病起近書全
未說丹成莫嫌身去依劉表曾有人甘殺禰衡何日斷原荒澗
畔一間茅屋對寒檠

被酒

酒戶當年頗著聲可堪病起困飛觥醉褚令為倉父狂喚桓公
作老兵舊有崢嶸皆鏟去新無磊塊可澆平投牀懶取騷經看

看只喚梨花解宿醒

贈徐相師

許負遺書果非子，
憑何處說精微。
使君豈必如聊大丞相，
元來要瓠肥。
袖潤日常籠短刺，
肩寒春未換單衣。
半頭布袋挑詩卷，
也道遊方賣術歸。

哭黃直卿寺丞

當年出塞共臨戎，
箭滿行營戍火紅。
督府凱旋先請去，
堅城築就獨無功。
身謀彼此皆迂濶，
國事中間偶異同。
莫怪些詞含哽噎，
在時曾賞小詩工。

崇化麻沙道中

經行愛此人，
煙好面俯清溪。
背負山半艇，
何妨呼渡去。
小橋不碍負薪還，
遠聞清磬來林杪。
忽有朱欄出竹間，
溪處安知無隱

老卜鄰容我設柴關

真隱寺

出郭斜陽已在山，
夜溪乘月到江干。
奴敲小店牢扃戶，
僧借虛堂徑挂單。
駭浪急回隱回，
因胆薄逆風小住。
為心寬投牀瀟湘，
夢無奈霜鐘苦喚錢。

挽方孚若寺丞

使君神雋似龍麟，
行地飛空不可馴。
詩裏得明卿與我，
酒邊爭霸世無人。
寶釵去盡中年病，
珠履來踈晚節貧。
管共誅茅聽瀑處，
溪雲谷月亦悲辛。

為圃

衰病歸來占把茅，
譬如僧葺退居寮。
因存橘樹斜通徑，
怕礙荷花小著橋。
古有功名興釣築，
今無物色到漁樵。
可憐歲晚閒雙

手種罷蕪菁擷菊苗

寒食清明

寂寂柴門村落裏也教種柳記年華禁煙不到粵人國上冢亦
攜龐老家漢寢唐陵無麥飯山蹊野徑有梨花一尊徑藉青苔
卧莫管城頭奏暮笳

題趙子固詩卷

紫芝仲白俱仙去晚秀惟君擅士林字肖率更新手作詩疑賈
島後身吟九成合奏音方備三染為纁色始淡老去尤于朋友
篤未忘几研琢磨心

送王實之邁

欲志還留每自憐竟為吾子著先鞭孤忠盡見萬言疏十口同
登一葉船屈法相傳煩聖主上書俱貶愧前賢南歸定過西山

下細把行藏告墓阡

寄徐真翁侍郎

憶昨紛紛衆喙鳴怪君喋斷久無聲得非家客留廷尉或是閨
人沮仲卿白璧微瑕終古在黃金橫帶霎時榮從來公議無情
甚莫遣蒙齋獨擅名

次韻實之

孤臣去國四經春跡遠安知罪尚新蚤亦曾訊秦氏者纔為與
議濮園人懶箋光範干時宰且伴田家賽社神醉倒不能愁世
事情他煙柳贊含顰

題小室二首

已向溪林卓小庵是中僅可著禪龕士師何止三無愠中散居
然七不堪一去重華那復得方當盛漢勿多談近來弟子俱行

脚誰伴山僧面壁參

阡陌東西山北南半生常帶散人銜何曾雲夢芥八九一任狙
公茅四三閣上大夫投欲死甕間吏部寢方酣可憐子駿無家
法下見先人面有慚

送表弟方時父

棄置空村飽世情高軒乃肯顧柴荆韓甥殷浩貧親戚李益慮
綸外弟兄兩鬢蕭疎驚老大一燈明滅話平生刺桐花下逢予
季多致詩人未害清

夢方季若

寤寐中原獨著鞭往來絕域幾餐氈封侯反出李下成佛却
居靈運先八百里烹饗軍肉九千鱗輦作碑錢祇今誰是田橫
客回首荒坵一慨然

寄趙昌父

世上久無遺逸禮此翁白首不彈冠一生官職監南嶽四海詩
名主玉山經歲著書人少見有時入郭俗爭看何由樵服供薪
水得附高名野史間

然為難
及耳

雪

哀同梧葉報蕭颼卧聽窗聲作許愁繁暗冷光侵研几瓦疎飛
片落香篝病思結客遊梁苑狂愛提軍入蔡州也待訪梅湖畔
去黃塵滿袖欲盟鷗

過雨

與客同登萬仞崖蔽天風雨驀然來六丁白晝誅炎魃百怪蒼
淵起蟄雷毒蟒噴時林盡黑怒龍裂處石中開吾生不及觀河

决得賦斯遊亦壯哉

漁梁

春泥滑滑雨絲絲一路陰寒少霽時水入陂渠喧似瀑雲從山
崦上如吹燎衣去傍田家火灸燭來看野店詩落盡梅花心事
惡獨搔蓬鬢繞殘枝

鄭寧示邊報走筆戲贈

曾客嫖姚與伏波慣騎生馬擁瑯戈金臺有命終須築鉄硯無
功亦且磨見說帛書來汝洛又傳羶帳迫淮河只今西北多机
會吾子南歸竟若何

醴陵客店

野郭依稀隔渡頭解鞍來倚店家樓欲攀桂樹吟招隱因看梅
花賦遠遊市上俚音多楚語橋邊碧色是湘流直南鄉國幾年

里目送羈鴻起暮愁

落梅 二首

一片能教一斷腸可堪平砌更惟墻飄如遷客來過嶺陸似騷
人去赴湘亂點莓苔多莫數偶粘衣袖久仍香東風謬掌花權
柄却忌孤高不主張按君以未二語竟遭詩禍所謂
却被梅花累十年真堪一笑也

昨夜尖風幾陣寒知心清物久留難枝疎似被金刀剪片細親
經玉杵殘痛以山童持帚去苟留野客坐苔看月中從倚憑空
樹也勝吳兒賞牡丹

老馬

脊瘡蹄蹇瘦鬮干火印年淡字已漫野澗有水朝洗怯破坊無
壁夜嘶寒身同退卒支殘料眼見新駒鞍寶鞍皆走塞垣如抹
電安知末路出門難

老奴

籍中歌舞皆馳聲，顛猶存態與情。愛說舊官當日寵，偏呼狎客小時名。薄鬟已脫梳，難就半被常空睡。不成却羨隣姬門戶，熱隔牆張燭到天明。

老奴

小賤賜朽破褐單，傍人門戶活飢寒。自從毀齒初成券，直至長鬚尚不冠。冷灸時需定工，酸秃芒旋掃白邊。殘他時縱取封侯印，僅得君王踞廁看。

老妾

傷春感舊似中醒，樂器全拋曲譜生。自少抱衾無怨色，閒時擁髻尚風情。曾陪太尉舞，還唱司空歌。眼與聲著主衣裳，為主壽莫如琴客，別宜城。

丙辰元日

免隨賀旦趨南衙，五見空村換歲華。旋遣厨人挑薺菜，虛勞座客頌椒花。不施行馬均編戶，雖飲屠蘇殿一家。二十官遊今七十，却于身外復何加。

宿千歲庵聽泉

因愛庵前一脉泉，襟衿來此借身眠。驟聳將謂溪當戶，久聽翻疑屋是船。邊作怒聲猶壯烈，滴成細點更清圓。君看替日蘭亭帖，亦把湍流替管絃。

南浦亭寄所思

只是從前瘦病身，官卑活計太清貧。買來晉帖多成贗，吟得唐詩轉逼真。生擬棄家尋劍客，死當移塚近騷人。秋風爛熳吹雙鬢，目送停雲欲愴神。

烏石山

客子家山亦此峰
可堪投宿聽疎鐘
旋沽村酒開霜柿
欲訪禪扉隔暮松
鄉信寫成無便寄
寒衣著綻倩人縫
遠來只為營瓜圃
不是貪渠萬戶封

鳳凰臺晚

經月踈行臺上路
秣陵城郭忽秋風
馬嘶衛霍空營裏
螢起齊梁廢苑中
野寺舊曾開玉帳
翠華久不幸離宮
小儒記得隆興事
閒對山僧說魏公

去春

去春烽火照江邊
曾草軍書夕廢眠
萬里旌旂真屬命
一丘耕釣且隨緣
偶然謝客原非病
閒亦尋僧不為禪
尚有借花情味在
銅餅終日玩芳妍

送李用之察院赴潮州

烏府名臣暫擁麾
霜稜聊復變春熙
行人猶謂驄當避
聖世初無鱷可移
粵俗相攜看工日
韓祠配食付他時
極知不作周南滯
禁闥須君補闕道

訪李鋼草堂不遇

細路縈紆入野田
遙瞻竹樹已欣然
青苔地滑跌盧老
蒼耳林深迷謫仙
不羨玉堂在天上
徑須茆屋占雲邊
極知謝客非為亢
貪看林花聽澗泉

西山

絕頂遙知有隱君
餐芝種木鹿為羣
多應午竈茶煙起
山下看來是白雲

歸至武陽渡作

夾岸盲風掃棟花高城已近被雲遮遮時留取城西塔蓬底歸
人要認家

再贈錢道人

拙貌慚君仔細看鏡中我自覺神寒直從杜甫編排起幾箇吟
人作大官

久旱即事二首

賜烏下飲百川空民自祠龍禱社公豈是長官渾忘却水車聲
不到城中

輸租常占一村先不望明時舉力田老畏里胥如畏虎敗人詩
思攪人眠

湘潭道中即事

儼鼓鼙鼙匝廟門可憐楚俗至今存屈原章句無人誦別有山

歌府桂尊

出城二絕

日日銅瓶挿數枝瓶空頗訝折來稀出城忽見櫻桃熟始信無
花可買歸

小憇城西賣酒家綠陰深處布啼鴉主人嘆息官來晚謝了醪
釀一架花

病後訪梅二首

夢得因桃數左遷長源為柳忤當權幸然不識桃兼柳却被梅
花累十年

和靖林間款款時一邊覓句一邊飢而今始會天公意不惜功
名只惜詩

羅湖

異境微茫在九霄
仙人垂手下相招
老來尚有君親念
未敢相陪過鉄橋

扶胥

一陣東風掃曉靈
天容海色豁然開
何須更網珊瑚樹
祇讀韓碑也合來

再題六如亭

管人喜說隆樓姬
前輩尤高斷臂妃
君來過嶺不妨扶
起六如碑

宮祠二首

涼殿吹笙露滿天
木犀花發月初圓
君王少御珊瑚枕
多就宮人玉臂眠

先帝宮人總道粧
遙瞻靈栢淚成行
舊思恰似薔薇水
滴在羅衣到死香

書壁

綠衣蒲履小綸巾
四壁清風一榻塵
誰謂先生貧到骨
百金新聘竹夫人

宋元詩會卷之四十九

皖桐陳

焯默公輯選

後學程

仕松皋叅較

徐經孫

字中立寶慶二年進士授潤陽主簿知臨武縣通判潭州擢監察御史劾京尹勵文翁不報即日出都上遣使追之不及進直寶章閣提刑福建升安撫召為祕監歷宗正刑侍兼給事升太子詹事輔導東宮三年拜翰林學士知制誥忤丞相賈似道罷歸十年卒贈光祿大夫

和黎丞梅關嶺

峭壁接高天閒雲淡橫嶺稍俊僧房靜未覺官曹冷風月兩閒人山川一佳境誰歎共茲樂老仙白垂領

題施山觀音閣

閣道連雲棧簷牙覆竹陰南來天馬渡北落水龍吟林鳥疑談偈田花欲布金凭欄觀下界洞見遠公心

病中有感

習懶多成病旬餘久覆杯帳中聞燕語瓶裏看花開醫已肱三折愁來腸九迴何時得疎散屐齒印蒼苔

福州即景

一別居諸歲月增遙聞此景画難能潮田種稻重收穀道路逢人半是僧城裏三山千族寺夜間雙塔百枝燈常年六月東崖下地湧寒泉漱齒冰

送仲時弟

江關千里隔山川有弟能來慰眼前方喜雁行隨處樂可堪蟾影別時圓暑行勿亟宜彊飯湍激多驚莫問船歸到家山相勞苦團樂恰是菊花天

方岳

字巨山歙人紹定間進士官至吏部侍郎前後為權相所惡擯斥以死有秋崖集稗史云方巨山皆在趙丞相幕中因避趙父之諱改姓為萬後又為岳岳屬官改名曰萬山恐未必然

燕來巢

吾貧自無家客戶寄林疇槿籬只三間荒寒天不管燕亦何所聞乃干我平館豈以菊未莎而有竹可款不叩富兒門寧為老夫伴此意味可人然亦似吾懶所須半九泥不費一秉稭云胡及風熏相宅無乃緩勉哉爾翁媪坐席寧暇暖主人當賀成落以晴雲盃

蟄室

室中度以几其修去尋一廣長半而羸崇為咫者七牖一以為明瑾三以為密不供並橫肱所貴劣容膝蠖屈忘春霆龜穹美朝日元冥方用事萬木僵欲慄窮陰易中人戒子謹無出于時

則然耳天者儻可必相爾室外寒磚爐坐捫虱

東西船

昨日東船送風下突過乘輿快于馬今日西船使風上適從何
來急于浪東船下時西船怨西船上時東船羨篙師勞苦自相
寬明日那知風不轉推蓬一笑奚爾為怨遲羨速無休時沙頭
漠漠杏花雨依舊年時檣燕語

豆苗

江南之筍天下奇春風息息催上籬秦郵之薑肥勝肉遠莫致
之長負腹先生一鉢同僧居別有方法供齋蔬山房掃地布豆
粒不煩勤荷煙中鉏手分瀑泉洒作雨覆以老瓦如穹廬平明
發視玉髯磔一夜怒長堪冰苴自親火候瀹魚眼帶生毫入晴
雲盃碧絲高壓涎滑尊脆響平欺辛螿焯晚菘早韭各一時非
時不到詩人脾何如此雋咄嗟辦庾郎處貧未為憤

黃宰致江西詩雙井茶

黃侯授我以江西詩禪之宗派瀹我以雙井老仙之雪香磚爐
春著兔毫玉石鼎月翻魚眼湯夜窗搜攬十年讀候蟲鳴秋聲
殷墻迺翁詩家第一祖不用棒喝行諸方掀翻杜陵自作古夜
半衣鉢誰升堂單傳橫出三十六未許歛梅洪雁行雅聞滕閣
藏墨本欲往從之山阻長牙箋大冊忽在眼荒苔茆屋森珩璜
東湖柳色入眉宇君其幾代之諸郎不離文字話祖意傳燈句
與雷山房寧知三生受昏闇縱有此燈無此光宜州戍樓山月
苦茫茫叅到無何鄉

黃宰當是山谷之孫
而逸其名字何也

齋中

竹外一燈青殘書伴古廳葉乾聞雨急山近覺嵐腥
病身為

宋詩集 卷之四十一
三
鈔本
累無心夢亦靈明朝有癡事須到采芹亭

山居二首

我愛山居好林梢一片晴野煙禽語春水柳閒情
蘇石隨行枕藤花醒酒羹吾詩不堪煮亦足了吾生

我愛山居好紅稠處處花雲粘居士屨藤覆野人家
入饌春燒筍分燈夜作茶無人共襟抱煙雨話桑麻

不寐

不寐何為者幽居事更稠怯風思鶴冷聞雨為花愁
草合妨遊屐沙崩壓釣舟春策故無恙歎枕數更籌

寄姪

爾亦為貧驅窗間硯欲枯自從村野別曾到峽山
無寒圃應肥菜秋霖怕損租有書供夜讀時一喚吾雛

舟次嚴陵

與雁分洲宿連雲做夢清江風月事老野雨客心驚
潮急仍吞瀨更寒不過城子陵吾所躋策外底須名

熱甚有懷山間

終是山間別寒泉在脚邊戲魚爭美蔭啼鳥破佳眠
境寂夜如水僧閒日抵年欲來未未得岸斗救枯田

聽雨

竹齋眠聽雨夢裏長青苔門寂山相對身閒鳥不猜
客應嫌酒盡花却為詩開莫下簾尤好恐妨雲往來

泊歛浦

此路難為別丹楓似去年人行秋色裏雁落客愁邊
霜月歛寒渚江聲驚夜船孤城吹角處獨立渺風煙

秋曉登山

登興在丘林其如老見尋身餘持蟹手脚負看山心秋色蒼厓
暝曉籬黃葉淡唯應負苓者來往古松陰

道中連雨

蚤晏逢人問荒村店亦稀竹輿穿雨過沙鳥帶雲飛野渡疑無
樹春山儘有微不緣詩是伴誰與倚荆扉

山墅

且莫嫌窮僻山居儘自奇候樵分玉蕈熏穴得香麝杯雋明冰
片崖寒孕雪芝不遺吾一美慙爾野人為

趙尉催築秋崖

只爾三間屋吾貧未易云與山先定謚有客屢移文竹喜今年
活梅從隔塢聞猶嫌灌園力多為讀書分

送王尉歸覲

喜有吟詩癖吾儕得往還客惟依竹語官只似僧閒夜雨燈誰
共秋崖藁未刪柴門葉葉下別後正須關

答趙玉汝

人間無處不風波潮打西興雨一蓑難與命爭俱老兵徑尋詩
去柰吾何園成次第自花草山是知聞空薜蘿賴有月明千里
共煙寒數筆落行窩

次韻鄭總幹

底須咄咄漫書空未覺人間欠此翁黃犢自隨諳寂寞青山亦
諱話窮通世方怒及水中蟹我亦冥如天外鴻醉眼不知人幾
品久將樵牧等三公

書戴式之詩卷

石屏遊諸老間蚤得詩名及諸老凋謝獨石屏巋然魯靈光
耳予生後三十二年纔此一識秋風別去因書數語集中
七十行年戴石屏同時諸老各凋零扁舟歸去自漁舍冷骨秋
來更鶴形天地無情頭盡白江山有分眼終青剡溪定有人乘
興月下柴門不用扃

感懷五首

異人曾授相牛經竒字初傳瘞鶴銘敲月不知僧某甲鉏煙賴
有老畦丁山靈呵護閒居賦象緯森羅處士星俯仰中心無愧
怍芋區瓜隴亦朝廷

去國何年老一丘於今已換幾公侯不知我者謂為拙是有命
焉那用求蚱蜢舟應容釣蟹麒麟閣不畫騎牛百年長短身餘
幾付與西風汗漫遊

從古幽閒在澗阿不將齒髮犯風波共知韓愈亦人耳子謂伯
寮如命何野處生成盤谷序襟期寫在醉時歌尚嫌山淺人知
處更與移牀入薜蘿

拄上風煙更一層瘦藤對倚玉峻嶒左花右竹自昭穆春鶴秋
猿相友朋五畝園為終老計半間雲住在家僧蹲鷓生乳菰如
臂莫道山翁百不能

曩簪行藏已熟籌最為上策是無求看人面孔有何好如此頭
顱只合休草草園廬山北住息息歲月水東流莫因一片梧桐
葉瘦損能詩沈隱侯

山居

春溪甘滑漱山瓢歸卧藤陰蘚迢迢雲氣釀成巫峽雨松聲寒
似浙江潮書生與世例迂濶山意向人殊寂寥却喜庾郎貧到

宋元詩集 卷之四十九 元鈔本
骨匪畦時一摘煙苗

次韻鄭僉判

不論山北與山南是處移將竹兩三亦愛村深工部屋尚嫌門
對相公潭夕陽歸鳥占花塢山雨飯牛規草庵口挂壁從生白
醜此中除酒百無堪

陪吳總侍集研山用趙端明送行韻

煙波画出暮江天著我蘆花明月船官滿只稱前進士路貧休
問小行年一歸已後陶元亮衆論寧無班孟堅不負登臨重九
約過江猶及菊花前

立春

初信東風入綵幡自挑雪齋飭春盤土牛又送一年老海鶴不
知三逕寒筋力尚堪耕綠野鬢毛併欲挂黃冠無人共跨南山
犢更作尋花問柳看

次韻徐宰集珠溪

僧不須敲飯後鐘自攜茶去借松風斬新山色佛頭綠依舊桃
花人面紅春甕貯冰搖玉螿夜堂烘蠟綴釵蟲山靈共欲畱人
住新月隔溪煙霧濛

過北固山下舊居

池塘燕子舊人家楊柳春寒一逕斜夜讀自生書帶草朝饑曾
對米囊花侯誰在矣山如昨今我來思鬢已華舍館不知何日
定竹輿鳴雨又伊啞

春日雜興二首

高下雲藏野老家縱橫水瀨竹籬斜勒將春去許多雨流出山
來都是花白首風煙三逕草清時鼓吹一池畦身閒不耐閒雙

手洗甌炊香夜作茶

南岡北嶺對窗扉看盡朝嵐與夕霏社後未曾聞燕語雨中誰
不惜花飛山醅約莫幾時熟沙筍輪囷一尺圍莫怨風光損桃
李荼蘼芍藥又芳菲

約黃成之觀瓊花予不及從以詩代簡

杜宇聲中鬢欲華春風將綠又天涯欠隨江夏無雙士共看揚
州第一花想像煙雲人跨鶴淋漓詩句字栖鴉蹇驢不管唐衫
溼醉兀歸鞍暮雨斜

夏日簡王尉

松蘿為屋芟荷衣只與鳧鷖共釣磯雌霓橫溪遮雨斷雄風吹
霧作塵飛山林誰可閒來往世俗難論真是非頗喜雪舟王逸
少夜涼吾欲扣齋扉

山中

剩斲荒寒地百弓儘供弄月與吟風太平世界豐登外小有洞
天間適中野服染成駝樣褐山花開到雁來紅夕陽籬落誰呼
喚盃酒蹄肩賽社翁

旅思

索米長安鬢易絲向來書劍亦奚為無詩傳與雞林去有賦羞
令狗監知兩戒山河饒虎落五湖煙水欠鷗夷喜無光範三書
草此段差彊韓退之

湖上

老藤支我步湖濬借與晴光一欠伸楊柳得春青眼舊山巒畱
雪白頭新鐵琅璫語尋齋鉢銀鱗刺肥收釣緡有兩黃冠共棋
局相攜僂作所歡人

簡李桐廬

愧面何堪見客星移舟且莫近前汀鷗沙草長連江暗蟹舍潮
回帶雨腥歸去尚餘初繭粟生未能費幾筇筇詩腸一夜生芒
角試問故人雙玉鉞

逢梅二首

水仙婉弱山礬冗我自視之兒女曹魯直逕令相伯仲至今未
敢廣離騷

人言草沒孤山冢從此梅花不要詩却是未嫌吾輩在一枝開
過竹巴籬

岳珂

字肅之相州人宋南渡後家江州甘棠湖考其詩所自述
蓋忠武裔也嘉熙戊戌官戶部侍郎總餉沔鄂史無傳於
他傳見之言其制置當
塗橫斂百出非廉士也

將發琵琶亭

前歲西泝鄂今歲東入吳同一琵琶亭行客各異塗當時白傅
恨陳跡久榛蕪突兀眼前屋丹堊塗漆樞廢興曾幾時傳舍同
遠廬已見兩折柳于此餞老夫管持使者節今發追鋒車我則
齊出處世自分榮枯而况天地間萬變同須臾我觀商婦者瑣
瑣豈足書琵琶本常技何地無此徒夫販浮梁茶婦即空舟屋
長吏溼青衫禮法毋乃疎樂天子牟心一念存江湖詎關蝦蟆
陵維以懷故都譬之澤畔吟此語非寓歟蓋嘗考遺集一事曾
同符聞歌鸚鵡洲尋聲得幼姝倚檣泣明月清淚垂真珠夫君
當此時正屬典午初不應竒謗後無復思廉隅六義有比興觀
消傳洵盱託物皆一理實事那相湏人情伏與妬所值分賢愚
低眉終不說正恥悻悻俱初意祇如此膠柱何足拘子折武昌

宋元詩集 卷之四十九 九鈔本
柳子宅潯陽廬二詩端可識一笑聊洗誣

後元祐行上辨章喬益公

正月二日天氣清六符兩兩三階平閣門催班報麻案珂馬玳
玲萬人看押麻參政折璽封宣詞舍人未殿東鞠躬一聲百寮
聽軍國平章喬益公天心果與人心同大哉聖斷天與通本朝
太平說元祐五嶽三光渾未剖當年一日三制頒呂范堂堂分
左右度中大老夏魁傑申國勲名比韓富民生是時非漢唐親
見至治躋羲皇一塵不起四陞服軌順星躔蕃五穀士皆有造
百姓寧官僚徹底清似冰析楊畢空戈草偃天街鏡淨無欖槍
彼何人斯階啟厲九縣回飈八紘沸高皇匹馬開東南王業中
興今五世窮荒隸何自來中原萬里吹黃埃數殫剝復回否
泰胚暉元氣鍾奇才耆明壽雋軼千古呂望鷹揚稱尚父便教

旦爽居東西穆穆近衡今再覩官家即日開天章冠玉佩佩遊

巖廊一都一俞一吁唏四海春風已披拂聖賢自管難相逢巨

魚縱壑鴻遇風輿人觀呼爭誦說元祐嘉熙莫分別君不見祖

徠處士歌一獲濃墨大字慶厯詩生民至今受其賜千載萬載

生光輝 按宋史嘉熙三年喬行簡拜平章軍國重事封肅國公茲稱益公或係後來加封名號

赤壁

周郎二十四年少蓋世功名隨一燎清提三萬走曹瞞不以敵

勅恨兵少豫州失七已膽折一日明明驚二妙最憐黃蓋不知

名吏士相從倚營嘯阿奴火攻本無策破竹自絲人不料禽降

納侮理固宜泥淖華容幾盡勦古來行師有絕地毋乃重詒千

古笑鏃湛縱是差可忍鼎峙詎闕謀所召二喬春鎖何足言從

此天光遂分耀我聞漢賊久染指奮毒搖牙噬江表八荒囊括

豈復遺一蹶吳宮已為沼當時乘勝下部騎考地當居楚南徼
 蒙衝逆鬪須上流揖寇那容津越津要武昌霸基跬步耳肯使國
 畿紛戟旄坡仙訪古特寓意橫梁雄姿誰與弔故將異地眩詞
 賦政恐因訛啟譏誚滄浪六月卷晴雪歷歷江山人物眇嵌空
 亂石今幾存彷彿棲巢尚驚鳥夜淡刁斗聲四發星斗滿空羣
 籟悄便須喚起柴綺裘孤鶴南天楚江曉

長門怨

驚風不成雨行雲去無蹤妾生三十年著籍長門宮宮車輓輓
 春雷曉明星初熒綠雲擾增成丙舍爭迎鑿惟有長門閉花鳥
 黃門開玉匙畫史圖蛾眉金鋪振瓊鑰玉秀生銅池朝陽纔回
 金屋在轉盼不堪人事改入宮已作鄭袖嗁出塞那知延壽賣
 花殘鳥語頻長門春復春花鳥易驚老况復門內人東風動地
 夜來惡萬翠千紅繞簾幙莫熊自有匪石心肯顧班姬秋扇薄
 長門勿輕怨視此篋中扇白華兮綠衣自古分有之

病虎行

長風吹谷白日暗曠野人稀雲黯澹狐狸嘯舞豺狼嗥病虎安
 尾行蓬蒿天寒泉凍山骨高皮枯髀痒霜爪搔紛紛晴雪爬落
 毛垂頭帖耳身腥臊羣鴉搓牙噪古木燐火半青新鬼哭走麕
 過前不能逐目視眈眈蹲撲楸毛風血雨天地肅何日跳跟看
 食肉天生萬物有盛時當年一嘯天助威坐看雲起行引兒當
 塗寧復論老羆一朝老去守巖竇落葉滿山冰雪後壯心空在
 筋力疲寂寞長饑眠白晝古來豪傑多沈淪不用為鼠皆若人
 范睢折脅西入秦奮內史長歡田甲嗔可憐百獸為披靡轉顧不
 如圈中豕男兒春踏亦渠似肯復虛為倚崖歿君不見南山白

額曾報恩牆頭金枕投何人

三江口過舟時方四鼓

擢鷁收金柅釵蟲綴玉缸地隣今七澤名襲古三江岷漾雖分
派荆揚却異邦晨光猶未發早認白鷗雙

荷花盛開以病旬餘不至亭上偶成

病襟慵策杖天鏡恰開奩青蓋迷前浦紅粧間曲櫂藻窺知鷺
下萍破識魚潛會看吳公陣宮蛙奏曉巖

早起

五夜玉繩轉雙轡金井寒背人蚊作市欺夢蛩鳴官竹徑風初
度松梢月尚團踞龜猶汗漫何許覓乘鸞

午睡

東日平明際北窗高卧時五經方坦腹百慮且伸眉蕉覆從疑

鹿槐安夏獵龜覺來還一莞七椀玉川詩

綿羊

鴈毛吹朔雪細肋卧晴沙曉牧尾搖扇春遊項引車漣流便逐
草酪賦正需茶日夕歸棲處因風想塞笳

山中奉寄通判楊宗博

多病山中客無人傷酒罇與援分椽子為鹿長禾孫白晝雲歸
屋黃昏雨打門忽懷楊別駕煙靄隔重閣

宿溪聲閣望香爐峰

間歷烟巖古琮琤雪澗橫海潮秋八月山雨夜三更肯作隨流
想難忘漱石情壯懷徒激烈聊復以詩鳴

庚子正月慧見于室有詔求言感作

美芹野人意喬木世臣家尺璧諒非寶寸心元不遐誰知劔門

棧已建鬱軍牙所恨韶鈞遠難堪聽夕笳

排灣遇風對岸卽彭澤舊縣

隱約山藏霧砢地起雷黑風吹海立白雨過江來齊樂正應
爾沛兒安在哉雄雌誰與辨試上楚王臺

三塔寺寒光亭張干湖書詞寺柱吳毅夫命名後軒

竹裏逢僧院殘碑不記年鴈題三宰堵龍化兩魁躔寶慶號應
紀元豐墨尚鮮寒光定何似誰放五湖船

楊梅

滄歷三家市梅垂萬顆酸口池看火樹樓室試金丹風露盈籃
重冰霜透齒寒它楊應不類畱與子雲看

張公洞

驢跡驚初踐鷹盤若有靈石橋通便戶金鑰鎖殊庭滴乳看成

像登臺仍刻銘愛憐國山字真欲比云亭

春波堂小飲懷棠湖舊居

平生到處西湖長眼底波光日日新圖在輞川非舊隱夢回笠
澤是前身一江細雨歌青菊萬里雄風起白蘋獨立蒼茫動歸
興釣磯湏理未坐綸

上已約客病不及往二詩呈陳元履王因道諸君

我是棠磯舊釣徒天教生與水雲俱蘭亭正值人修禊柳岸還
添浪拍湖幸有丈人觀筆法可無嘉客醉兵厨直須去躍城東
馬更與畱春作後圖

予癸巳在京口因郡中元夕張燈偶閱國史靖康丙午正

月十五日辛巳祐陵南巡駐蹕是郡二月二十三日已

未始還京師凡居郡三十有八日茲聞簫鼓感舊興嘆

不勝潜然因涉筆以記大略而僧有冲希者乃攜以示
韓正倫彼謂予諷已遂架大怨迄興妄獄賴聖明察知
其寃前謾盡白因悼正倫之歿閱其左計亮其初心附
答所作詩于後

駕輶老子久婆婆坐聽笙歌擁綺羅十里西涼憶如意百年南
國比流梭吞聲有恨哀蒲柳紀節無人廢蓼莪寂寞丹心耿梅
月挑燈頻問夜如何

子歸未省松楸將以初秋望前汎湖之龍門已戒舟而值
連雨因賦天問

小心風伯紫宮回眼看銀蟾海上來元豹又成漫谷霧斷虹猶
作隱山雷便教雨積三時害未信雲無一日開待試平生補天
手為君明鏡再安臺

賀李微之兼工侍

奎章夜下九重天雍乘疇咨法從賢紀雉重開五工正止麟還
見一經傳紫荷佩袷新簪橐青汗磨鉛舊簡編優合史筵尊領
袖紅雲堆裏望台躔

雨中觀廬山

雨裏觀山夏不同何須九疊看屏風紫觚壇上排蒼壁青步障
邊鋪翠茸谷錦未迴晴日照衣綃聊借淡煙籠祇今萬木添紅
纈更倩青霜染曉楓

太平興國宮

槐影西清舞翠鸞竹宮高接五雲環職陪温洛圖書地名在元
封卜祝間晝訪未承龍閣間晨香猶扇羽衣班祠官到處無公
事且聽松聲老此山

將遊太平宮呈趙季茂

聖治峰前松檜寒舊遊重此解歸鞍著身泉石無心客主掌雲
山正額官老去隱居居紫府新來襟壓壓黃冠門東曾有劉仙
洞剝蘚攜筇試扣看

聞画眉鳥聲戲作

木杪幽禽巧語新何時曾記得名因樣傳京兆成雙無人指漁
陽開小顰儘稱如簧啼白晝未須對鏡學青春山中有叟嗒無
語短褐龐眉更笑人

以廬山所產天花葷冬筍玉延饌趙季茂通判

已認山家作富家與援分栗雀分茶氣先十月地抽筍光現五
臺天雨花幸有玉延炊夜月肯令繡谷嚙朝霞憑君試雋幽厓
味却較閒忙定不差

設醮醮太平宮竣事呈偕行諸君

星壇仙籟韻瓊瑤彷彿神旂下九霄龍駕清都三境接蜺旌絳
節百靈朝霜澄夜氣俱明徹雲澹秋容想沆寥耿耿寸衷天所
鑒憂時惟冀五兵銷

己亥明禋覃恩封鄴侯感愧有作

布衣所願極封畱佩印歸來正倦遊汗馬無功開上郡鑄龜有
意顧中流南巡空負黃圖恨北望還興紫陌愁王國不煩謀主
父自嘲支子亦通侯

詠小園雙竹

錦綉玉立紀雙清瑞牒千年重得名龍竹高標儼元致熊湘素
節凜皇英質同隴麥兩岐秀竒並庭柯連理榮却羨此君尤特
立虛心直道不孤生

新荷出水

貼水初翻紫玉團，忽驚矗立傍闌干。
瑤池七日來青鳥，玉鑑孤奩舞翠鸞。
曉露走槃珠顆瑩，晚風颺蓋雪衣寒。
從今十丈開花面，太萼峰頭更一看。

白水浦懷王建寧

南朝舊見王忠武，此地曾屯十萬兵。
十里荒蹊秋兔健，千年陳迹暮鴻征。
無衣空緼包胥志，遺幘終畱諸葛名。
落日英雄滿襟淚，鳳凰倚徙正孤城。

問道宜興

粹儀夾綻盛花鈿，人說先朝祀玉仙。
菴画有溪春不老，煉丹無竈古空傳。
乞靈賸擬羞蘋藻，養性何勞學汞鉛。
書閣蒼龍應不遠，為君重寫白雲篇。

夢尚畱三橋旅邸

天上歸來打六更，夢回搔首正惺騰。
玉霜初上三橋月，絳綵猶明九市燈。
聲徹銅魚催勘箭，影斜金鵲在觚稜。
帝鄉東望重回首，佳氣何時到五陵。

林希逸

號庸齋閩人端平間進士與劉克莊同年官至學士

冬曉

雲樹曉層層，初霞照屋稜。
冰池紋似鏤，霜瓦氣如蒸。
凍想歌樵客，閒思煨芋僧。
癡翁吟太早，窗下有殘燈。

雨後溪橋看水

綠徧東西岸，田家亦喜晴。
溪回急雨漲，雲放半山平。
沙外看流勢，橋邊聽淺聲。
向令平十里，應與剡爭名。

資福嶺庵前作

嶺路松陰好歸鞭為小停苔封石面紫藤絡樹身青庵古無人
住蟬多過客聽少時文會處近裏有祠庭

和後村口占

老去田翁多狎友年來觀主換新街緣溪竹杖時行散面壁蒲
團漸放叅休夢筆花尋硯滴祇看貝葉守燈龕清朝越緋修
禮畱滯何妨似史談

和唐衣

苦著唐衣落魄多人生行樂不知他可曾癡說飛霞佩那肯吟
思疊雪羅帶眼減多癯已甚布毛吹盡意如何溪隣更有琴箬
伴時整牛衣共緝莎

春谷示榕橋精舍二十四詩和其首韻

春谷因榕費苦吟為憐夾道綠陰陰身藏巖澗風霜老名入圖
經歲月深北客未知題詠少南州莫向字書尋鶯啼庭葉曾畱
句獨賞河東刺史音

先母忌日丁卯

兒正癡時賴母賢如今滿鏡白于綿可堪遠日思存日更向衰
年憶幼年發早獨攜三稚子世貧能有幾硯田書燈督課無虛
夕曾解衣還束脯錢

庾樓月夜

明月今宵好曾經貽庾公登樓當靜夜懷古對秋風鏡綠空
上危簷映水中胡牀無恙否岸幘為誰雄老子今何在寒光簪
亦同清談孤此景白髮向江東

月

此夜一輪滿騷情不奈秋月非人可掃人與月俱愁素魄憑誰
問寒光為底畱擬隨風葉去遠似雪花浮竹影搖仍在波光散
未收嫦娥如戲我移照讀書樓

山村暮歸

點點殘鴉過孤村帶落暉籬邊聞犬吠山下有人歸遠岫連芳
塢長林遠翠微雲深認茆屋風細颺征衣樵唱同尋徑猿驚為
扣扉夜深燈火下兒女共依依

杜鵑

叫盡三巴月淒涼杜宇聲今人誰與語故主自呼名啼血嗟何
意前身恨未平轉喉曾有諱弄舌似猶生姓字諸禽識君臣易
世輕提壺無意緒醉魄謾飛鳴

水碓

機事嗟何巧空村不住春潺湲因借力俯仰若為容盡日勞雙
杵疏泉隔幾峰無人長軋軋助我為淙淙碓下僧長喜溪邊婦
亦慵香厨炊已辦時借野雲封

雁足書

中郎沙漠外羈乳事何如賴有雲中雁能傳足上書銜蘆來內
苑繫帛自穹廬地說荒寒極人稱老病餘徒誇問閭犬詩莫詠
烹魚青鳥仙家使吾今益信渠

笛裏

笛裏愁千緒更長憶故山今人吹古曲漢月照秦關霜竹和聲
切匡牀倨坐閒一輪秋塞外萬嶂野雲間此夜聽渠弄何時照
我還回思帝城角花影映朝班

宋元詩會卷之五十

皖桐陳

焯默公輯選

後學程

仕松皋叅較

高九萬

號竹礪理宗時人與劉後村孫李蕃善後村寄詩云行世有千首買山無一錢其風致可想

卜居

結屋離黃道開門對白沙一莊千古月三徑四時花客至旋沽酒身閒自煮茶相聞蟲鳥外不復聽喧譁

春日湖上

清波門外放船時盡日輕寒戀客衣花下笑聲人共語柳邊檣影燕初飛曉風不定棠梨瘦夜雨相連薺麥肥最憶故山春正好夜來先遣夢魂歸

送方秋崖出都門

忠言歷歷未曾行盡載圖書出帝京餘子但知才可忌先生當
以去為榮門闌竹石關心久部曲溪山照眼明長嘯歸歟莫惆
悵淞江風定自潮平

江居晚詠

家住清江江上邨江雲山影自平分幾回晚起開門看不見青
山見白雲

過寶蓮山 山下為韓王府

拂曉官家簿錄時未曾吹徹玉參差旁人不忍聽鸚鵡猶向金
籠喚太師 時侂胄賜死 玉津園側

春情

天涯海角水雲寬人在吳頭楚尾間彈徹箜篌難寄恨海棠深
院獨憑欄

真山民

字山民文忠公之孫宋末隱居不仕但自稱山民諱
其名氏識者服君才節謂德祐間復出一淵明也

幽居雜興

松桂小菟裘山扉幽更幽蜂王衙早晚燕子社春秋鬢禿難遮
老心寬不貯愁年來把鋤手無復揖公侯

光霽閣晚望

一閣納萬象危闌俯渺茫白沙難認月黃葉易為霜宿鳥投煙
嶼歸樵起野航孤吟誰是伴漁笛起滄浪

興福寺

為厭市喧雜攜詩來此吟鳥聲山路靜花影寺門深樓閣莊嚴
界池塘清淨心松風亦好事送客出前林

修真院訪崔道士

東元詩集 卷之五十一 存素堂

宋元詩會 卷之五十一
竹扉蒼蘚墻林下小丹房風定香煙直月斜簾影長淪茶泉味
別點易露痕香安得棲塵外求師却老方

春遊和胡叔芳韻

春光潑眼明占勝得新亭棠醉風扶起柳眠鶯喚醒非無盃泛
綠安得鬢皆青且事日為樂歌聲莫暫停

山亭避暑

怕礙清風入丁寧莫下簾地皆宜避暑人自要趨炎竹色水千
頃松聲風四簷此中有幽致多取未傷廉

三山旅夜

獨坐本無况淒涼更旅中檻低簷碍月牕破紙吟風隣館笛三
弄譙樓鼓二通半觴聊自適新荔擘輕紅

泊白沙渡

日暮片帆落渡頭生暝煙與鷗分渚泊邀月共船眠燈影漁舟
外湍聲客枕邊離懷正無奈况復聽啼鵲

夜話無上人房

蒲團一榻上坐到夜將分牕月燈昏見巖猿雨歇聞茶甌勝飲
酒禪語當論文只恐紅塵跡浣師松下雲

獨坐

寒齋淡無味孤坐思悠悠時事三緘口年光一轉頭有書遮老
眼無藥療閒愁假使丹心在衰遲也合休

曉行山間

出門誰是伴只約瘦藤行一二里山徑兩三聲曉鶯亂峰相出
沒初日乍晴陰僧舍在何許隔林鐘磬清

山間次季芳韻

好山多在眼塵事少關心風竹有聲画石泉無操琴許猿分野
果留鶴守雲林不是閒邊客誰來此地吟

溪行

春煖溪西路行吟又幾迴水清明白鷺花落失青苔雲過日吞
吐樹搖風往來漁歌聽未了欲去又徘徊

除夜約張梅境飲

今日又除夕君能為我來燭光紅照席酒浪綠搖杯臘帶吟愁
去春隨笑臉回相看俱健在莫管歲華催

宿寶勝寺

苦吟吟未了只向兩廊行月去塔無影風來鐸有聲禪心隨水
淨佛眼共燈明安得雲邊住與僧分此情

兵後寓舍送春

觸景多懷舊凭欄易愴神飛花遊蕩子古木老成人世換山如
醉田荒草自新鄉關渺何處回首暗風塵

樓居

攜書來過此便覺少塵埃簷冷留雲宿牕明報月來閒愁山隔
斷幽夢鳥呼回湖海元龍氣從渠俗子猜

蘭溪舟中

一舸下中流西風兩岫秋櫓聲搖客夢帆影挂離愁落日魚鮒
市長煙蘆荻洲篙人夜相語明發又嚴州

清明

清明今日是原上一經過新墓塚無數未來人更多此生曾悟
否不樂復如何莫待澆墳土樽前醉醉歌

臨江晚行

茅舍亂鷄聲疎林淡見星霜輕留草綠霧暗失山青蹤跡去來
燕交遊聚散萍浮生原是客不必恨飄零

寄郭月蓬

煙波秋草外活計一漁篷淡月明寒葦新霜醉曉楓身雖殊出
處道豈有窮通俯仰看人面何如數過鴻

舟中峽口

亂山如碧玉處處見鷓鴣花水漲傷分港舟行倒走沙宿依沽酒
市飯過釣魚家喜脫風波險推篷數暝鴉

次韻章劔溪山居

想無書赴隴林鶴莫驚猜曳杖雲同出開簾山自來池堪供洗
硯籬不碍觀梅靜倚長松立藤花點翠苔

宋道士同遊白雲關

扶攜方外友來入白雲關八九峰如画兩三人倚欄棋聲敲竹
外簾影落花間一曲瑤琴罷翠陰生晝寒

晚春

有恨青春老無營白晝長葉新林換綠花落地生香雨意一番
足人家百事忙為儒竟成誤悔不早農桑

江樓秋夕

樓高古城遠無奈漏聲催幽夢風吹斷新吟月送來江長漁唱
遠雲冷鴈聲哀明日重陽酒黃花開未開

初夏訪劉道士

白雲隨杖屨伴我到山房暑薄疑天別林深見路長木芝皆道
味花竹亦詩香更待荷開後來分半榻涼

春行

東風物物新花外步清晨蕉葉卷舒雨鳩聲問荅春園林三月
景詩酒百年身試數交遊侶如今有幾人

秋晚

暮色入江郊霜風兩鬢毛笛聲吹月落詩興扶秋高謝絕南柯
蟻留連左手螯孤燈竹牕底危坐一歌騷

李修伯山居

俗子自不到幽扉何必扃苔衣和月臥山雨雜泉聽有髮徒斑
白無名入汗青未應閒此事尚可掃元經

道逢過軍投宿山寺

窮途欲為徃薄暮此相投蟋蟀數聲雨芭蕉一寺秋鄉關來枕
畔時事上眉頭長嘆為僧好今逢更說愁

春曉雨

破曉簷花未放乾披衣和夢倚闌干釀成苔暈地猶溼老盡鶯
聲風正寒無客醉敲金鞮響有人睡怯翠衾單牡丹一夜成消
瘦下却朱簾不忍看

西湖圖

兩袖春風一丈藜等閒踏破柳橋西雲開遠嶂碧千疊雨過落
花紅半溪青旆有情邀我醉黃鶯無恨為誰啼東城正在桃林
外多少遊人逐馬蹄

隱懷

樣不趨時合便休都將往事付東流眼看浮世自今古迹與孤
雲同去留泉石定非騎馬路功名不上釣魚舟有時但得句無
問只與漁歌互唱酬

遊鳳棲寺

十載重遊古鳳樓連宮新遠綠楊堤欲談世事佛無語不管客
愁禽自啼苔滑空廊妨散步塵昏老壁失留題僧家田地鄰家
種菜甲春風綠滿畦

漁浦晚秋

西風吹夢越中遊剪剪輕寒入短裘鴈字不將鄉信寫蛩聲空
和旅吟愁郵亭冷雨孤燈夜漁市斜陽一笛秋是處山川即吾
土仲宣何用怯登樓

泊舟巖灘

天色微茫入暝鍾巖陵湍上繫孤篷水禽與我共明月蘆葉同
誰吟晚風隔浦人家漁火外滿江愁思笛聲中雲開休望飛鴻
影身即天涯一斷鴻

題永嘉夢草堂

留得斯堂萬古名江山不敢閉英靈池光曾染吟邊墨草色猶
如夢裡青南浦詩香流未歇東家魂冷喚難醒當時園柳俱塵
迹惟有鳴禽尚可聽

連城春夜留別張建溪

飛絮遊絲客子心連城那忍遽分襟青燈應見詩情苦濁酒不
如交味深一榻暖風棲竹屋半闌淡月立花陰離懷今夜先收
拾盡付明朝馬上吟

夜坐

匹馬平生汗漫遊如今寂寞老林邱小窗半夜青燈雨幽樹一
庭黃葉秋懶看世情寧睡去怕傷時事莫吟休寒蛩可是知人
意未到莎根只說愁

東粵廟

東元詩會
卷之五十一
鈔本
顏欄斜照網蛛絲陳迹淒涼萬古悲
柘木尚鳴止國怨山松曾見受封時
碑因苔蝕無完字城為田侵失舊基
當日東甌知幾戰如今贏得一荒祠

歲暮

顏不常朱鬚易斑流光難駐雨跳丸
一年又是等閒過百歲只消如此看
把酒何曾長在手種桃能得幾凭欄
痴人醉夢不知醒日夜雙眉抵死攢

三峰寺

寂寞烟林噪亂鴉青鞋步入野僧家
雲深不碍鐘聲出日轉還移塔影斜
廊下蝸粘沿砌蘚佛前蜂戀插花竹
牀紙帳清如水一枕松風聽煮茶

江頭春日

春暖旗亭煮酒香醉醒始悟是他鄉
駕言行邁路千里豈不懷歸天一方
春事漸消鶯語老離愁偏勝柳絲長
無聊莫向城南宿淡月梨花正斷腸

初夏

一葉熏風帶暑回雨天濃翠與庭槐
不隨春去鶯猶在好競時粧榴又開
剪尺旋裁新白苧杯盤聊薦舊青梅
篋中敝扇投閒久依舊團團入手來

幽棲

鶴護松扉久不開蒲團端坐思悠悠
哉故交只向夢中見閒事不經心上
來雙屐躡雲春採藥一筇挂月夜觀
梅東風似見山童懶自與幽人掃徑
苔

讀劉元城言行錄

一掃權奸九十章七州不憚歷炎荒黃梁富貴百年短青史是非千載長丞相雖存心已死先生既葬骨猶香向令鐵漢常留在天下何緣有靖康

秋夜次葉一山韻

自笑秋來似轉蓬偶然飛落過山中一燈幽館菊花雨孤枕小樓梧葉風涉世悠悠旋磨蟻懷人杳杳寄書鴻浮生何預光陰事抵死相催作老翁

杜鵑花得紅字

愁鎖巴雲往事空只將遺恨寄芳叢歸心千古終難白啼血萬山都是紅枝帶翠煙深夜月魂飛錦水舊東風至今染出懷鄉恨長挂行人望眼中

客中遇鄉友季芳遠歸省親

河梁邂逅話襟期獵獵西風透袂衣酒臉未隨紅葉醉鄉心先逐白雲飛客中送客難為別山上安山胡不歸借使家書君可寄此間無處問庭幃

山人家

片雲隔斷嶂西風三兩山花屋角紅幾畝桑麻春社後數家鷄犬夕陽中拾薪澗底青裙婦倚杖簷間白髮翁我亦願來同隱者種桃早晚起東風

朱溪澗

路轉峰回又一村天寒大半掩柴門雲融山脊嵐生翠水嚼沙洲樹出根任擁重裘風亦冷未投荒店月先昏今宵只傍梅花宿贏得清芬入夢魂

閭中

敢咎章縫解誤人甘於閒處着閒身腹中書在温仍熟夢裏詩
成記不真引鶴徐行三逕曉約梅同醉一壺春今朝有喜誰知
得新換銜頭號散民

春曉山行

風掃連陰作快晴瘦筇伴我出山肩路從初日紅邊過人在野
花香裏行古水殊無趨世態幽禽懶作弄春聲棕鞋踏遍山南
北只與白雲相送迎

梅仙山 梅福鍊丹地

西都不知壽安用獨長年縱有丹爐在難吹漢火然

螢火

微踪一腐草霜重不禁秋想悟浮生短常為秉燭遊

吉水夜泊

入夜始維舟黃蘆古渡頭眠鷗知讓客飛過蓼花洲

草

草枯根不死春到又敷榮獨有愁根在非春亦自生

水墨海棠

不將翠袖捲紗紅怪得陳元奪化工想是太真春睡足夢魂正
在黑甜中

遊春嘲年少

錦袍朱帶玉花驄著意追歡紫陌東只道春風屬楊柳不知楊
柳有秋風

山間早春

小桃枝上認年華隨分紅開一两花將謂春風只城市也吹春
色到山家

三月晦日

九十風光能有幾東風遽作遠行人樽前莫惜今朝醉明日鶯聲不是春

吳龍翰

字君式歙人與方岳同時同里

牛首山觀楊子江

巨靈擘破此山石鞭起九龍入空碧山分為兩合不成夾住長江數千尺九道驚湍相擊撞雷聲怒發誰敢當金牛怪獸不可數往往殺氣侵肌涼嗚呼蜀道古來難燒棧能斷人往還一夫可敵百夫勇天險惟有秦函關固知長江當城壁立此界限分南北東南佳氣無窮年此江未必成桑田君不見逆亮百萬鼓腥風海鯨出鬪天掃空書生不能長鎗與大劍只坐帷幄收奇功

題國直先伯祖海潮賦後

銀山突兀滄海頭夜半鼓噪萬貔貅爭雄角力轉坤軸旋磨塵世偕浮漚朝朝暮暮自消長誰言於此隨海鯨鷓草裏尸已塵土未必怨怒卒不休看公立論屈前輩筆端有力挽萬牛孤峰絕岼氣象古亦復燦燦珊瑚鈎分明掘見陰陽根判斷造化之深幽元機發泄天帝嗔此文政恐雷電收不然亦似畫鳥跡長夜鬼哭聲啾啾公自騎鯨去不返滿江明月蘆花秋

西湖曲

十里風光煙水白嵯峨帝城紫霧隔笛聲吹斷蒲葉風鷺飛界破青山色湖波鱗鱗織成縠翠蓋紅幢機上簇長安富兒美少年馬蹄踏踏香塵撲画舫誰家窈窕娘半額鵝黃時樣粧玉手

折花嬌無力花枝半折銀絲長隔花躊躇意相屬稍稍談笑聞
餘香頽陽西落漢水遠無計問覓雙瓊瑤巫山高哉但入夢安
得挿翮飛其傍君不見吳姬采蓮自唱曲君王尚在舟中宿

白紵詞

吳宮煙水碧迢迢如鱗金屋凌琅霄北方佳人顏如花素衣濯
濯明朝霞雲母屏風真珠箔香銷金鴨春寒薄壁月流光羅綺
筵白紵舞殘西月落君看月落夜潮平吳江濶兮越江深吳王
醉去越王醒

嘉禾沈園

景物何其異虛巖人力成清池沈鳥影高樹落蟬聲花日樓臺
麗香風簾幙輕客來堪一借莫恡百杯傾

感興

閉門逃俗客攜酒過禪關竈古茶煙斷碑殘雨蘚癡秋僧行影
瘦夜鶴病翎寒片月隨人到孤琴對佛彈

詩境

流水環詩境未容塵土侵步迂莎徑曲坐占草堂深秋句蛩分
和山杯鳥勸斟好懷無客共相對一瑤琴

謾題

放曠疎林下清風吹鬢毛傍梅讀周易對酒歌離騷詩思秋雲
淡古懷明月高五湖天地別煙水綠平篙

夏日書事

園林數間屋長掩竹笆籬亭柳拂棋局瓶花落硯池蝶狂如被
酒蟬咽似吟詩脫帽挂虫石涼颼入鬢絲

吳越歸秋晚

湖海歸來晚園荒菊幾叢秋山吟骨瘦霜葉醉顏紅
影寒溪上懷人落月中青燈滋味永不用哭途窮

春晚郊行

芒鞋竹杖出柴關簡點園林脚不閒翠幄初張花作局錦棚成
列筍為班煙波鷗鷺春風外桑柘牛羊夕照間
楚興不須邀客共芳樽濁酒對黃山

贈劉後村

騎却青鸞上禁林巖巖聲價重南金花磚日轉瓊笈暖蓮燭星
歸玉漏沈翰墨手來三昧手絲綸画出九重心春風已築沙堤
路天上虛皇屬意深

樂府

妾心江岼石千古無變更郎心江上水倏忽風波生

殘月小樓西鶻啼思欲迷妾夫在天南何不那邊啼

春晚留淮上

淮山歷歷春雲澹淮水湯湯夜月輝此處杜鶻啼不到江南行
客未成歸

久客買舟西還

萬里煙波興渺然愁心繫住灞橋邊歸裝詩少不成載自折梅
花湊滿船

水邊早梅

數花黯淡帶寒煙漏泄春光嬌屋邊矮會被清池寫疎影一枝分
作兩枝妍

宋伯仁

字器之湖州人南宗淳祐間為淮南醴官詩多清婉可誦
然觀其所稱執政諸作邪正不一以贊頌為事其所趨

尚如是則發諸心
聲者亦可概見矣

歲旦

居閒無賀客早起但如常
桃板隨人換梅花隔歲香
春風回笑語雲氣卜豐穰
栢酒何勞勸心康壽自長

久雨

暗數春來雨曾無兩日晴
樹連山莫辨橋與水俱平
閉戶惟應懶逢人且問耕
海棠花落盡顛顛幾流鶯

雪後

暖地難為雪春天易得晴
落梅狂客意啼鳥故園聲
愁樂從他事湖山寄此生
願將身與世一葉等相輕

悶甚

醪釀開已殘窗戶尚輕寒
往事多因拙清尊強自寬
對妻憐病久顧影得心酸
更展淵明集從頭一再看

久顧影得心酸更展淵明集從頭一再看

妙智庵

結屋古山巔源流未有年
便非真隱者且喜得安禪
石洞雲同卧茶鐺客到煎
我來當小憩詩滿夕陽天

蘇州有感

秋意滿姑蘇扁舟憶五湖
鈴聲邊報急帆影客心孤
野港青如染遙山淡欲無
千年遺跡在過眼只斯須

雨中

終日翻盆雨池亭晚更涼
對琴思古意醜酒惜韶光
綠漲便鷗懶殘花笑蝶忙
高田皆可插好與報君王

春半

春到已多時遊人替衲衣
柳眠鶯喚醒花瘦雨添肥
官事癡能

了人情久易非一貧能自守贏得掩柴扉

漁父吟

小舟如雁鷺穩穩下波心簑笠幾風雨江山無古今清歌鳴短櫂紅葉滿疎林一醉不知世前村月未沈

值雨

吳陵兩月雨畱連來問瓊花落砌邊市酒未銷狂客恨塞鴻先作嫩寒天只憂松下無三逕不管囊中欠一錢揚子江頭風正急未知何日買歸船

題象山縣棲霞觀應真亭簡住持張羽士

杜鵑聲裏立東風山色應憐鬢已蓬二麥曉寒新雨後一年春事落花中醉斟浮蟻邀仙客笑揖飛鷗問釣翁簷外萬竿君子竹虛心能得幾人同

村莊即事

青旗獵獵又村莊僊景還他是故鄉叟有七旬頭未白山無重數葉初黃稻畦明月家家酒茆屋清歌處處霜晚菊一籬秋欲老客懷牢落愧重陽

登海陵城

淮楚年年一番秋西風慣識古譙樓金湯城壁休清野玉帳英雄未白頭霜草萬家人冷落凍雲千疊雁綢繆中原無計堪修整且對屯兵說近愁

出陸

吳陵咫尺是維提揚徒步方知去路長漁屋試霜蘆紫老酒家畱坐豆花香秋光淺淡人同瘦雁影參差客共忙僕子莫嗟行李重擔頭強半舊詩囊

邊頭老馬

解下韁繩便欲眠絕無筋力可勝鞭霜蹄遍識淮南地夜草猶
吞塞北煙怕逐綵旗排偃月寧思金鐙趨朝天萼山自有安身
處試問將軍更幾年

夜過烏鎮

望極模糊古樹林彎彎溪港似難尋荻蘆花重霜初下桑柘陰
移月未沈恨別情懷雖戀酒送衣時節怕聞砧夜行船上山歌
意說盡還家一片心

簡張寄翁秀才

徽外琴聲局外棋此心能得幾人知縱橫謾說三千字陶寫須
吟百一詩秋到蓼花蟬噪後雨敲荷葉釣歸時西湖儘着張公
子定把吟篷逐月移

賀鶴林吳尚書起召隆興

鸞翔芝簡下溪堂醉夢驚回午正涼寵報帝俞催宰相宜將州
紱召文昌薌花襟袖宮花近詩草簾櫳諫草香大化一新多吉
士卷阿歷歷告成王

寓西馬塋

十畝荒林屋數間門通小艇水灣灣人行遠路多嫌僻我得安
居却稱閒樽酒相忘霜後菊一時難盡雨中山何年脫下浮名
事只與田翁賸往還

呈畱耕先生王侍郎

夜雨篝燈夢未閒十年殊愧屋頭山喜聞鐺脚濤聲起不憚吟
髭雪樣斑漁釣醉歌人所願功名心事國相關辟書笑倒梅邊
鶴盡在先生指顧間

兀坐
對坐清清一穗香
悄無人語日偏長
硯盤數點梅花片
暗引遊蜂度粉牆

湖上

一泓寒玉浸青山
粧點樓臺夕照間
歌管滿滿船春未去
惜無人伴白鷗閒

紙鳶

弄假如真舞碧空
吹噓全在一絲風
惟慚尺五天將近
猶在兒童掌握中

王柏

字會之金華人其祖師愈先受業於龜山復從考亭南軒諸公遊淵源有素柏少慕諸葛亮自號長嘯年踰三十始知家學之原更以魯齋聞同邑何基從黃幹得朱熹之傳即往從之授以立志居敬之旨其學日粹於是當路聘為

麗澤上蔡兩書院師鄉之耆德皆執弟子禮其卒整衣冠端坐弗少亂也國子祭酒楊文仲請於朝謚曰文獻

和葉聖子小桃源韻

二仙何如人夫豈古隱士道
成遡次寥佯臥不再起
鸞鶴舞松聲蕭騷快心耳
金竈清塵生餘丹不輕委
我來桃源遊直窮路所止
飛蘿搖春煙素雪噴清泚
何時架草堂深入此山裏
脩然逃世慮鍊魄繼遐軌

送希夷之江西

小雨飲輕塵秋聲滿亭驛
驅車過南浦別懷徒裊積
世道斯凌夷為善不自力
一朝魯兩生為人作行色
誰知離索悲有甚
鐘失

和寬居見懷

北望戲馬臺荆榛滿中路
英氣一何多懷古渺難潁
山河腥日

宋元詩會 卷之五十一
月虎豹沐雨露纍纍楚猴冠異哉天所賦豈無濟川才淹留秋
不暮清風從何來洒洒定吾故贈我金琅玕鑿落雙魚素

秋熱

西風不力征老火未甘退蟬聲亂耳繁癡蚊健始最一雨從天
來不復有故態天序自分明人心其少耐

題定武蘭亭副本

玉萼末命昭陵土蘭亭神蹟埋千古率更搨本入堅珉口帝歸
裝投定武薛家翻刻愚貴遊舊石宣和龕御府邊塵橫空飛渡
河中原荆棘穴豺虎維揚蒼茫駕南轅百年文物不堪補紛紛
好事競新模傾歆醜俗止遺矩如今薛本亦罕見髣髴典刑猶
媚媼清歡盛會何足傳右軍他帖以千數託言此筆不可再慨
然陳迹興懷語今昔相視無已時手掩塵編對秋雨

舟中和聖予二首

桐江波漸滑霽色午方開香火巖蘭若煙霞老釣臺崖高微徑
險水轉萬山回欲訪先生裔相從買一杯
江濶風帆急潮回沙露痕寒林無剩葉茅舍各成村雁落煙波
渺鴉歸野色昏未知孤客權今夜泊誰門

野興

文字飢難煮為農策最良興來鋤曉月倦後臥斜陽秋稼連千
頃春花醉幾場任他名利客車馬逐康莊

蘭

早受樵人貢春蘭訪舊盟謝庭誇瑞物楚澤擷芳名蒼玉裁圭
影紫檀含露英奚奴培護巧苔蘚日菁菁

催雨

宋元詩會 卷之三十一 鈔本
人世如居甌，驕陽不可鉏。未聞芻作狗，安得夢維魚。賦歛民生槁，干戈國計虛。安危關一飽，雨意莫躊躇。

鄭起

原名震字叔起號菊山閩連江人屢舉不第晚為安定和靖書院堂長曾伏闕論史嵩之及鄭清之再相起復登門大罵被繫下獄鄭罷相始免詩有清雋集

再登南樓

客中重上倚層臺，天濶雲收八面開。雁帶岳陽秋曉過，浪涵巴峽影西來。諸營種柳今何在，老子登樓得幾回。自是江山雄壯處，興亡不必問寒灰。

爛柯山

春風萬古洞門開，塵世興亡定幾回。碁局至今無處覓，樵人于此遇仙來。飛梁橫跨丹虹影，絕頂平鋪白玉堆。天下紛紛無好

者，斜陽下嶺共徘徊。

馬



